



सानसेयारि 'बड'सा' खीर्वालाइयाव  
अमाज्यादि जिउजो लोब्बा थानाय ग्यथाय, अन्थाय,  
अल', अल'बाथा आरु हावबायादि थावनि, पार्क  
बाइदिनि सायाव लिन्नाय लिन्निबां हैथाय ठर/  
सानसेयारि 'बड'सा' खीर्वालाइया सेवब्रानावै  
फोस्वावगेन/  
बड'सायाव लिन्नाय दिनु हाव अलाम,  
'बड'सा' खी नोथो, जो बयबो आंगो अलाम।

सानसेयारि बड'सा मावखुलि  
माइबं नोगोर, जोहोलाव दैमालु लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Wednesday ★ 18 December, 2024 Kokrajhar, BTC, Assam ★ Vol.-33, Issue No. 261 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

## आसाम-भुटाननि सोमोन्दोखौ गोख्रों खालामनो भुटाननि राजाजों गिबि मन्थिआ गोनांथार सावरायलायदों

### भारत-भुटाननि गेजेराव उफ्रा लामा रहानि थाखाय राइज्यो सरकारा आबुं हेफाजाब होगोनः गिबि मन्थि

दिसपुर, 17 डिसेम्बर: खेल भुटान सरकारनि हांखायहरनाय बायदियै सानसेयारि दावबायथाय हाबाफारिजों दासान्दि भुटान हादतआव दावबायहैनाय गिबि मन्थि उ हिमन्त बिश्व शर्माआ दिने भुटाननि राजा जिगमे खेसार नामगियाल वंचुकखौ लोगो हमनानै आसाम-भुटाननि गेजेराव थानाय जारिभिनारि सोमोन्दोखौ गोख्रों खालामनानि बिथिडव मोनसे गोनांथार सावरायलायो। भुटान आरु बेनि नोगोरानिफोरनि जौगाथाय आरु ओन्सोलादि



रांखान्थियारि जौगाथायनि थाखाय भारत-भुटाननि हेफाजाब होलायनायखौ बांहोनायनि बिथिडव जर'खायै सावरायलायो। गिबि मन्थि उ शर्माआ भुटाननि गाहाइ मन्थिजोबो मोननै हा खोन्दोनि आयदाफोरजों लोगोसे भुटानजों फालांगियारि बाहागोदारिखौ गोहो गोरा खालामनाय आयदानि सायावबो हेफाजाब गोनांथे सावराय लायो। गिबि मन्थिआ फोरमायदि, भुटान आरु आसामनि गेजेराव (□ 6 बिलाइआव)

## कक्राझार फाहामथाय फरायसालिमा आरु देहा फाहामसालियाव डायलेसिस मिरु बेखेवबाय

कक्राझार, 17 डिसेम्बर: कक्राझार फाहामथाय फरायसालिमा आरु देहा फाहामसालियाव दिने राइज्योनि केबिनेट मन्थि उर्खाव गोरा ब्रह्मआ डायलेसिस मिरुखौ बेखेवनानै होयो। मख'नो गोनांदि, गाहाइ मन्थि माहारियारि डायलेसिस हाबाफारिनि सिडव कक्राझार फाहामथाय फरायसालिमा आरु देहा फाहामसालियाव मोननै गोदान मुगायारि डायलेसिस इडनिट गायसन्नाय जादोंमोन आरु दिने बे गोदान मुगायारि डायलेसिस



इडनिटखौ बेखेवनाय जायो। बे गोदानथि डायलेसिस इडनिटनि गेजेरजों सा 12 बेरामिनि डायलेसिस खालामनो हागोन। कक्राझार फाहामथाय फरायसालिमा आरु देहा फाहामसालियाव गायसन्नाय डायलेसिसमिरुवाव डायलेसिस हाबाफारिया बेसेन नाडे जागोन आरु बेरामिफोरा आधार कार्दिनि गेजेरजों गावनि मुंखौ रेजिस्टार खालामनो नांगोन। दासान्दि सा 16 बेरामिफोरा डायलेसिस खालामनो थाखाय गावनि मुंखौ रेजिस्ट्रेसन खालामदों होन्नानै (□ 6 बिलाइआव)

## तामुलपुरआव सरकारि बिथांखिनि रांखान्थि अन्सुथाइनि चेक बिलाइ गथायदों



तामुलपुर, 17 डिसेम्बर: दुलाराय आसामनि दाब-दाब जिल्लाफोरारवोनो दासान्दि खुंफु'जानाय '12 साननि जौगाथाइ' हाबाफारिजों लोब्बा लाखिनानै राइज्योनि दाब-दाब जायगायावोनो अन्सुथाइनि चेक रान्नाय आरु सरकारनिफ्राय मदद होनाय हाबाफारिआ सोलिगासिनो दं। दिनेबो

बिलाइ गथायदों। थांनाय माखासे सान सिगांआव ओन्सोलाव दैबानाजों न'-बां, बारि-बागान खहा जालानाय, हाग्रानि मैदेरनि उदखारजों खहा जालानाय, आबाद खहा जालानाय नख'रफोरखौ सुंथाफिननाय थांखिजों दिने रानि अन्सुथाइ रान्नाइ होयो तामुलपुर बियाबनि एम एल ए जलेन दैमारि आरु आसामनि मन्थि नन्दिता गार्ल'साआ। बेजों लोगोसेनो गोबां गावसुंथा (□ 6 बिलाइआव)

## राजेश जालाननि हेंथायै बाक्सानि पाटेमाबाद साहा बागानाव हेंथा सोमावसारनाय हाबाफारि खुंदों



सालबारि, 17 डिसेम्बर: जौ माफिया राजेश जालान, आसाम पुलिस मुर्दाबाद स्ल'गान होनायजों दिने बाक्सानि पाटेमाबाद साहा बागाननि लेबार-मावसुमाफोरा गोख्रों हेंथा सोमावसारनाय हाबाफारि खुंदों। गुबै मोननो गोनां मजुरि-दान बान्थानिफ्राय जानगराव थांनानाय साहा लेबार मावसुमाफोरा सोमावसारनाय हाबाफारि लादों। दिने मोनाबिलियाव बागान सामलायगिरि मावखुलिनि लांगोनायाव फैनानै गोख्रोंडै हेंथा सोमावसारनाय हाबाफारि खुडो लेबार मावसुमाफोरा। मख'नो गोनांदि, साहा लेबार मावसुमाफोरनो मजुरि गथालासेनो (□ 6 बिलाइआव)

## तामुलपुर जिल्ला एबसुनि 2थि बोसोरसालिया जथुम्मा आरु दख'रा एबसुनि 3थि बोसोरसालिया जथुम्मा खुंफुनो साखा-फारा

तामुलपुर, 17 डिसेम्बर: तामुलपुर जिल्ला दुलाराय बर' फरायसा आफादिनि 2थि बोसोरसालिया जथुम्मा आरु तामुलपुर दख'रा एबसुनि 3थि बोसोरसालिया जथुम्माखौ सोलिफु डिसेम्बर (□ 6 बिलाइआव)



## सालबारिआव भलिबल रेफारि आन्जादिनि फिथाइ फोसावदों

सालबारि, 17 डिसेम्बर: आसाम भलिबल आफादिनि गनायथि बायदियै सालबारि जिल्ला गेलेमु आफादिनि बान्जायनायाव 6 अक्ट'बरआव सालबारि फरायसालियाव खुंनाय 3 थि ताखोनि भलिबल रेफारि आन्जादिनि फिथाइखौ फोसावनाय जायो। सालबारि जिल्ला गेलेमु आफादिनि गाहाइ नेहाथारि दुलेन बसुमतारिआ मिथिहोनाय बादिब्ला सालबारि जिल्ला गेलेमु आफादा क्लाब थाखोनि भलिबल बादायलायनाय (2024-25) खुंनानै भलिबल रेफारि आन्जाद होगिरिफोरनि बाहायथि आन्जाद खुंनाय जायो। थांनाय (□ 6 बिलाइआव)

## चिरांआव गुण गोनां फरायसाफोरनो साइकेल, स्कुटि आरु नोगोद रां बान्था रान्दों



बिजनी, 17 डिसेम्बर: राइज्योनाडे गिबि मन्थि उ हिमन्त बिश्व शर्मानि दैदेनाय सर कारनि '12 साननि जौगाथाय' हाबाफारिनि बाहागो महरै मंगलबारखालि चिरां जिल्लानि पेरेड ग्राउन्डआव

मोनसे बान्था रान्नाय हाबाफारि खुंनाय जादों, जेराव उ बानिकान्त काकती आरु आनान्दराम बरुवा बान्था 2024 नि सिडव गुन गोनां फरायसाफोरनो साइकेल, स्कुटि आरु चेक रान्नाय जादों। बे

हाबाफारिनि गेजेरजों गासै सा 370 फरायसाफोरनो आनान्दराम बरुवा मेरिट स्क'लारसिफनि सिडव नोगोद रां होनाय जायो। हान्था-मेलानि जेनाखौ बाइड खालामनो आरु सोलोथायखौ थुलुंगा होनो नाजानाय गिबि मन्थिनि जर'खा बिथांखिनि सिडव थाखो गुनि फरायसाफोरनो गं 5,938 साइकेल रान्नाय जादों। बे बिथांखिनि थांखिया गामियारि ओन्सोलनि फरायसाफोरखौ (□ 6 बिलाइआव)

## कक्राझारनि साइ चेन्टारआव 'फिट इन्डिया साइक्लि मंगलबार' हाबाफारिखौ जागायबाय



कक्राझार, 17 डिसेम्बर: मिरुनि लाइमोन अनसाइ आरु गेलेमु बिफाननि मन्थि उ मनसुख मनडविद्या बिथाड 17 डिसेम्बरखालि हादतनि राजश्रानि गोदान दिल्लीयाव 'फिट इन्डिया साइक्लि मंगलबार' हाबाफारिखौ फिर्फिला दिन्थिनानै जागायजेनबाय। दिने एखे सानावनो मोन 1000 नि बांसिन हादतनि गुबुन गुबुन थावनिफोराव साइकेल सालायनाय रेलिखौ फिटनेस आरु सावस्त्रिजों लोगोसे सोमखोर रोगाथायनि बे मोननै रादाव बिलाइनानि मोन्थोरजों लानाय जादों। बेबायदिनो दुलाराय हादतनि दाब-दाब जायगाफोराव बान्जायनाय (□ 6 बिलाइआव)

मोनसे बान्था रान्नाय हाबाफारि खुंनाय जादों, जेराव उ बानिकान्त काकती आरु आनान्दराम बरुवा बान्था 2024 नि सिडव गुन गोनां फरायसाफोरनो साइकेल, स्कुटि आरु चेक रान्नाय जादों। बे

## मुसलपुरआव सानजौफुनि आदार संग्रा मावफारिया आफादा खुद्रिसारदों

मुसलपुर, 17 डिसेम्बर: दुलाराइ आसाम सानजौफुनि आदार संग्रा मावफारिया आफादिनि खावलायनायाव दिने बाक्सा जिल्लानि मुसलपुरआवबो बाक्सा जिल्ला सानजौफुनि आदार संग्रा मावफारिया आफादिनि खुद्रिसारनाय हाबाफारि खुडो। मोनबा दफानि दाबिफोरखौ सुफुंनो दाबिनानै सानजौफुनि आदार संग्रा मावफारिया आफादा खुद्रिसारनाय हाबाफारि खुडो। सानजौफुनि आदार संग्रा मावफारियाफोरनि दानबान्थाखौ 10 रोजासिम बांहोनाय, एक्कालिन अन्सुथाय होनाय, खामनि मावनायाव जोखोम जाब्बा फाहामथायनि राहा खालामनायजों लोगोसे गासै मोनबा दफानि दाबिखौ लानानै मावफारिया आफादा जिल्ला बेंगिरिनि (□ 6 बिलाइआव)

## कक्राझार जिल्ला खुंथाया मोजां खुंथाइ सप्ताह फालिगोन

कक्राझार, 17 डिसेम्बर: राइज्योजों लोगोसे कक्राझार जिल्ला खुंथायाबो 19 निफ्राय 24 डिसेम्बर, 2024 अक्टिसिम मोजां सरकार सान फालिनो थियारि जादों। मोजां खुंथाय सान फालिनानि बाहागो महरै राइजो-राजाफोरनि सिबिथाय होनाय आरु अजद होनायफोरखौ सुसंनानयनि थांखिजों कक्राझार जिल्लानि सिडव थानाय गासैबो खाजोना बेंखन मावख'फोर/खोन्दे जौगाखां मावख'फोर आरु जिल्ला बेंगिरि मावखुलिनि पिपफसिफोराव मोजां सरकार सप्ताह फालिनाय समाव अजदफोरखौ होनांगैनि थाखाय फोसावथि होनाय जादों। जेराव राइजो-राजा सोद्रोमाफोरा सिबिथाय होनायजों सोमोन्दो थानाय अजदफोरखौ सुसंनो थाखाय खावलायनो हादों। अजदफोरखौ अनलाइन गथायनायनिबो खाबु होनाय जागोन। बेनि अनगायैबो जिल्ला खुंथाया मोजां सरकार खुंथायनि सायाव जिल्ला थाखोनि मावबादा खुंनायनि अनगायैबो सिपिजिआरएएनएसआव रेबथुमजानाय अजदफोरखौ फोजोबनो राहा लादों। □

## 16थि मुंख्लं फोर्दाना दैमारि गोसोखां बान्थाखौ डं फनिन्द्र गयारिनो होनो थाखाय फोसावबाय

उदालगुरि, 17 डिसेम्बर: उदालगुरि जिल्ला दुलाराय बर' फरायसा आफाद आरु मुंख्लं फोर्दाना ट्रास्टनि जुथायै बान्जायनायाव दिने उदालगुरि जिल्ला दुलाराय बर' फरायसा आफादिनि गाहाइ मावखुलि जोहोलाव बालिराम बर' नयुंआव मोनसे खोरंगिरि मेल हाबाफारि जानानै थाडे। बर' हारिनि राव, धोहोरुम, थुनलाइ, हारिमु, सोलोथाइ बायदि थामोन्था रैखांथिनि थाखाय



गावखौ बावसोमना थांनाय विबान दैदेनाय एबा बर' हारिनि समाव दर' जिल्ला एबसुनि आफादिगिरि मासि लानानै थांनाय समावनो सुथुरनि

आखायाव गावनि जिउखौ अबथिरायै खोमोनो गोनां जानाय (□ 6 बिलाइआव)

## कक्राझारनि खुतामारियाव 26थि बोसोरारि आजिमुश्वानि गेदेत धोरोमारि मेल खुंदों

कक्राझार, 17 डिसेम्बर: 'जमियत उलेमानि थांखिया हादतआ खौसे जानानै थांनानै। भारत-पाकिस्तानआ खौसे जानानै थायोब्ला मुलुगनि बयनिखुइ गोहो गोरासिन जा। गौमोन।' - बे बायदि बिबुंथिखौ आसाम राइज्यो (□ 6 बिलाइआव)



## उदालगुरियाव इडिआइआइनि बान्जायनायाव उद्यग खालामनायनि सायाव मावबादा खुंदों

उदालगुरि, 17 डिसेम्बर: इएसडिपि (इन्ट्रेप्रेनारशिप स्किल डेभेलपमेन्ट प्रग्राम) बिथांखिनि सिडव इन्ट्रेप्रेनारशिप डेभेलपमेन्ट इन्स्टिटुट अफ इन्डिया (इडिआइ), आहमेदाबादिनि बान्जायनायाव आरु भारत सरकारनि एमएसएमडि बिफाननि हेफाजाबाव उदालगुरिनि उदालगुरि गौजौसिन गेजेरारि फरायसालियाव उद्यग खालामनायनि सायाव सानसेनि सांग्राथियारि मेल खुंनाय जादों। उदालगुरिनि एमआरएसडि एनजिअनि हेफाजाबाव खुंजानाय हाबाफारियाव बराय बिबुंथि लाखिनानै एमआरएसडि एनजिअनि आफादिगिरि उ मिलन दासआ फोरमायदोंदि, इडिआइआइनि (□ 6 बिलाइआव)





## सुजुगिरिनि खोलोम

### बिफां लाइफांफोरखौ फोजोबस्रानाया सुबुं समाजनि मोनसे गिदित जेना

सुबुं समाजाव मोनसे हुदाखौ अरायसम नुनो मोनो, बेनो जाबाय हाग्रामा एवस्रानाय आरो दंफां दानस्रानाय । गामिनि सुबुंफोरनि बाथाल' नडा टाउन सहरनि सुबुंफाबो सुबिदा लाना हाग्रामाआव हाबहैना दंफां दानना लाबोनाय आरो गुबुनो फानहरनाय हुदाखौ गोदो गोदायनिफ्रायनो नुबोगासिनो दड। दिनैसिमबो सुबुं समाजआव बेनि गोथौये रोदा सुनाय हुदाखौ नागरनो हायाखै ।

मानासनि सुबुंफोरनि बाथाल' नडा, जिउ जुनार दाउसिन दाउला, एमफौ एनला बयनिबो थाखाय हाग्रामा, दंफां लाइफांनि गोनांथार । जिउ जुनारबो हाग्रा बंग्रा, दंफां लाइफां नडबा जैरे थाउरिनो हाया, मानसि माहारियाबो जिउ खानो हाया । मिथिगानि सोर्जिनयनि मादाव दंफां लाइफां, हाजो-हाला, दैमा दैसा, दैमु बाइदिसिना नडबा जिउ जुनातफ्र दसेनि थाखायब्लाबो थाना थानो हाया । हाग्रा बंग्रा, दैसा दैमु गैयाबा बुहुमनि आबहावाआबो जिउ जिराद थाना थानो हायै बाइदि गुबुंले जागोन ।

सुबुं समाजा दंफां लाइफांनि सायाव जैरे बाइदि सोनारो बेखौ साननो रेंबला हाग्रा बंग्रानि सायाव बे रोखोमनि अनागार अत्यासारा जानाय नडमोन । हाग्रामाआव दंफां लाइफांनि अनागारबो गोबां रोखोमनि जुनार, दाउसिन दाउला, एमफौ एनला, मैंग मैला, थायो । गासिबखौबो मानसि माहारिनि गोनां जिउ खानायाव नांगौ । सुबुं समाजा नांगौखौल' मिथिनो रेंबाय नाथाय, बेफोर गोनां मुवाफोरखौ रेंखा खालामनो दासिमहालागौ सोलोडाखिसै मानो ? मोनसे सोनाय फैयो, दंफां लाइफांखौ दानस्रानो सोलोनो हागौबा, बेफोरखौ गायनो सोलोनो मानो रेंदिया ? गोदो गोदाय आबै आबौमोननि बिबै बिबौफ्र गायना गालानाय दंफां लाइफांफोरखौ हागौमानि जौ दानस्रां जोबबाय जाय जैरे हागौ एरे । हाग्रामा गैयालाय जिउ जुनार, दाउसिन दाउलाफ्र थानो जायगा मोनैलाय गामि गामि हाबफैना बुथारजाबाय । कम्पिउटर, इन्टरनेट मुगानि सुबुंफ्र सानखानो रोडाखिसै जौ थानो जैरे नंबां नांगौ, जुनारफोर थानोबो हाग्रामा नांगौ । बिफां लाइफांफोरखौ फोजोबस्रानाया सुबुं समाजनि मोनसे गिदित जेना । जौनि जायगाआव जा जालांबाय जालांबाय, इयुन जोलैफोरनो दंफां लाइफांनि गोनांथिनि सोमोन्दै मोजाडे गियान होनांगोन आरो बेफोरखौ माब्रै गायनांगौ, फोथानांगौ, फेदेरनांगौ, राहोनांगौ, आरो माब्रै रेंखाथि होनांगौ, गोथौये फोरेंनांगोन, मिन्थि होनांगोन, दंफां लाइफां, हाग्रामा थायाब्ला जौबो थाना थानो हानाय नडा बे बुहुमाव ।

## दिनैनि फान्जामुथि

### राशि बाइदियै मुनि गिबि हांखो

मेघ : अ ल बृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ठ (ण ष) तुला : त र बृश्चिक : ब न धनु : ध भ (ङ फ) मकर : ख ज कुम्भ : ग श (स) मीन : द च (ख ब झ)

- मेघ:** माबाफोर शुभ खामानि मावनानै लानो गोनां दडबा मावनानै लानो हागोन ।
- बृष:** लटरि लायोब्ला माबाफोर मोनयनि आसा दड। मुलाम्फा जागोन । मोजां सान ।
- मिथुन:** सोरजौबाफोर बायदिसिना होन्नातै थगाय जानो हागोन । जैरेबो सांघ्रां जानानै थानांगोन ।
- कर्कट:** मानिबा थाखाय रां खहा जानो हागौ । गोसोखौ शांथि मोननाय नडा ।
- सिंह:** नख रनि गोथार खामानि मावनानै लानो हागोन । गोजोनायखौ मोनगोन ।
- कन्या:** जिउआव जेना-जेंसि जानाया जोबनाय नडा । गोसो हमथानानै सोलिनांगोन ।
- तुला:** फोबौनि समाव रंजा-बाजा खालामनो हागोन । गोजोने सम बारहोनो हागोन । मोजां सान ।
- बृश्चिक:** नांगौनि बांसिन रां खरसा खालामनांगोन । रांखान्थिआ आखायाव थानाय नडा ।
- धनु:** माबाफोर खस्ट मोननाय खामानि मावनानो हागौ । गोसो हमथानानै सोलिनांगोन ।
- मकर:** जैरेबो शान्तिखौ मोनो हागोन । नख रंजा जौगानाय फैगोन । मोजां सान ।
- कुम्भ:** बे राशिनि थाखाय शुभ सम । जेखियानो जाया मोजां खामानि मावनानै लानो हागोन ।
- मीन:** सोरजौबाफोर बायदिसिना होन्नातै लाजि फोनांजानो हागौ । गोसोखौ हमथानानै थानाया गाहम ।

## प्रिटि लबानाखौ गुगलआ भारतआव गिदिर बिबाननि थाखाय सायख 'दौ



गोदान दिल्ली, 17 डिसेम्बर: गुगलआ समबारखालि प्रिटि लबानाखौ भारतनि थाखाय गोदान एन्ट्रि मेनेजार आरो लेडाइ आपादगिरि थिसनो फोसावबाय । बिथाड सन्जय गुप्ताहनि उनाव बे मासिनि बिबानखौ सिगां गुगलआव एसिया-प्रशान्त ओन्सोलनि आफादगिरि महरै गोजोसिन मासिआव प्रमसन जादौं । गुगलनि मोनसे फोसावदिनायाव बुंदौदि, भारतनि थाखाय गोदान काउन्ट्रि मेनेजार आरो लेडाइ आफादगिरि महरै लबानाआ बयबो कास्टमारफोरनिमि आर्टिफिसिएल इन्टेलीजेन्स (एआइ) नि सोलायनाय गोहोखौ सौहेहोनो आरो इन्भेसनखौ बांहोनो थाखाय गुगलनि सोलोखान्थिखौ महर होनायाव मख 'जाथाव बिफाव लागोन । फोसावदिनि बादिब्ला, लबानाहा टेक्नलजी आरो रांखान्थियारि इग्रफोराव गागि दैदेन्नायनि बिफाव महरै 30 बोसोरनिबो बावसिन समनि रेंगथि एबा एक्सपेरिएन्स दड, जायजौं बिथांहा जौगाखांनोनाय भारतयारि नोजोरखौ गोथौये बुजिनो हायो । बावैसो सिगां बिथाड गुगलनि लेडाइ आपादगिरि, जि-टेक प्रग्राम, शेयारि, पब्लिसार अपारेसन, एडभार्टइजिं मेटारिएल आरो क्वालिटी अपारेसन्सनि महराव हाबा मावदौं । बे बिबानखौ सामलायनायनि सिगां लबानाआ बुंदौं, आं बे बिबानखौ आजवावनाय एबा भारतआव गुगलनि नाजानायखौ दैदेन्नो थाखाय गोसो गुदुं जानानै दड।

## एपिपिएसिइआव गोब्राब नेम-खान्थि सिफायनायखौ लानानै मोननै केस थिसन्दौं

इटानगर, 17 डिसेम्बर :

नाहरलागुन पुलिसआ अरुनाचल प्रदेश एपिपिएसिइनि समाव गोब्राब नेम-खान्थि फोर सिमफायनायजौं सोमोन्दो गोनां मोननै केस थिसन्दौं । गिबि केसआ सेन्ट्रल सोलौंसालि सि सेक्टरव आन्जाद हलनि सिखव सासे पिडाब्लिउ डि बिजाथि मुदां याब्यानि साखाथियाव गंसे मबाइल फनजौं लोगोसे मोन्दौंमोन । बिबानगिरिफोरा बिनि फनखौ जब्द' खालामनानै याब्यानि बिबुंथिखौ थिसनो आरो नायबिजिननायाव हेफाजाब होनो बिथोन होनायनि उनाव बिखौ थानोहोयो । नैथि केसआव सरकारि गोजौंसिन गेजेर



सोलौं सालि, जी-सेक्टर नाहरलागुननिफ्राय गोमानाय अएमआर शिर्टनि उनाव विनम टैनि हेंथायै केस थिसन्दौंमोन । आथिखालाव बे मोननै केसफोरखौ नायबिजिननासिनो दड, याब्यांआ रोखायै फोरमायनाय बायदिब्ला, बियो गोरोन्थियै गावनि फनखौ

## पद्मश्री बान्था मोनगिरि वृक्ष माता तुलसी गौड़आ बे मुलुगाव गैलिया

गोदान दिल्ली, 17 डिसेम्बर : वृक्ष माता तुलसी गौड़ जाय हादतगिरि, गाहाइ मन्थिजौं लोगोसे माखासे मुदांखा सुबुंफोरनि सिगाडाव लांदां आथि आरो आदिबासि ड्रेसआव पद्मश्री बान्थानि सन्मान मोन्दौंमोन, आथिखालाव बिथाड जौनि गेजेराव गैलिया । 86 बोसोर बैसोनि तुलसी गौड़आ हलक्की फोलेरनि सोद्रोमामोन । बियो बैसो गोरार्जौं सोमोन्दो थानाय बेमारफोरजौं भुगिनांदौंमोन आरो बिथाडा समबारखालि सा कन्डू जिल्लानि अंकल तालुक आव थानाय बिनि नख 'रारि गामि हनालीयाव रंसायि जायो । तुलसी गौड़खौ बिनि बिफां लाइफां मोजां मोननाय आरो गावखौ बाउसोमनायनि थाखाय वृक्ष माता महरै मिबिथिनाय जायोमोन । बियो जिउ जोबजासे आबहावा सैरखाथि



आरो बिफां-लाइफांफोरखौ जोथोन लालांदौं । बिनि सरसन्ना नडै 'खस्थ' खालामनाय आरो बाउसोमनायखौ नोजोर होनातै बिथांनो 2021आव पद्मश्री बान्थाजौं मान बाउदौंमोन । हादतगिरि आरो गाहाइ मन्थिनि नुजाथिनायाव मुलि आरो बिफां-लाइफांफोरखौ सैरखाथि होनायाव बिथानि मख 'जाथाव बिफावखौ सिनायथिनानै बिथांनो बे बान्थाखौ होदौंमोन । बिथानि जोनोमा कर्नाटकनि हलक्की ट्राइबेल फोलेरनि गंसे नख 'राव

जादौंमोन । उन्दे समावनो बिनि बिफाया गोमायो आरो बिब' उन्देनिफ्रायनो बिमा आरो बिब' बिनानावफोरजौं लोगोसे खामानि मावनो जागायदौंमोन । बेनि जाहोनाव बियो स्कुल थानो आरो लिरनो-फरायनो मोनाखै । बेनि उनाव 11 बोसोर बैसोयावनो बियो जुलि जायो । नाथाय बिनि फिसायाबो बार गोबाव थानानै थायाखै । बेनि उनाव बियो गावनि जिउनि दुखु आरो हारसिं जिउखौ जानगार खालामनो थाखाय बिफां-

लाइफां गायनो जागायो । उनाव बिनि हाग्रानि सम्पति सैरखाथि खालामनो गोसो जानायाबाडे । आरो राइज्योनि बिथांथियाव मावसुमा महरै हाबो । बेनि गेजेरजौं बियो 2006 आव हाग्रा बिफानाव बिफां गायग्रा साबि्र मोनो आरो 14 बोसोर हाबा मावनायनि उनाव 2020 आव आजिरा लायो । बे समाव बिथाडा गोबां बिफांफोर गायनाय आरो बायल 'जिकेल सैरखाथियाव मख 'जाथाव बिफाव लायो ।

## पाकिस्ताननि बारग' मन्थि चौधुरीया प्रियंका गान्धीखौ बाख्नायदौं

गोदान दिल्ली, 17 डिसेम्बर : कंग्रेसनि एमपि प्रियंका गान्धीनि फिलिस्ताइन लिरनाय बेग लानाय आयदाया इजराइलनिफ्राय बारग' मन्थि चौधुरीआबो प्रियंका गान्धीनि फट'खौ गावनि एक्स एकाउन्टआव शेयार खालामदौं आरो बिथांखौ गोबां बाख्नायदौं । फट'आव प्रियंका गान्धीखौ फिलिस्ताइनखौ मदत होनाय सावगारि थानाय बेग हसनाय नुनो मोन्दौं । बेगआव तुसुजजौं लोगोसे गुबुन दिन्थिसिनबो दड । बे नेसौंनफोरखौ फिलिस्ताइननि हारिमुआव जर'खा मानिनाय जायो । बारग' मन्थि फवाद चौधुरीआ लिरदौं 'ज्वाहरलाल नेहरु बायदि गेदेमा उदांसि सान्थिनि फिसौजोनिफ्राय मा आसा खालामथावगौ ? प्रियंका गान्धीया गावनि गोखौं सिनायथि थिसन्दौं । बेयो लाजिथावदि, दिनैसिम रावबो



पाकिस्तानी एमपिया बेबायदि साहज दिन्थियाखै । मख 'जाथावदि, प्रियंका गान्धीनि बे भाइरेल जानाय सावगारिया समबारनि, जेब्ला बिथाड संसदआव थानदौंमोन । बे समाव बिथाड बै बेगखौ लादौं । सिगांआवबो गोबां खानुफोराव कंग्रेस आरो प्रियंका गान्धीआ फिलिस्ताइननि हेफाजावआव बाथ्रा बुंखांबाय । फिलिस्ताइननि थान्दैजौं प्रियंकाया लोगो हमदौंमोन । प्रियंकाया फिलिस्तानीफोरखौ दावहायाव साफट खालामनायनि बाथ्रा बुंखांबाय । बावैसो सिगां

भायनाड लक सभा सिटआव जानाय उफ्रा बिसायख'थियाव प्रियंकाया देरहासारदौंमोन । सिगांआव बे बियाबनिफ्राय राहुल गान्धीआ देरहादौंमोन । गिबि खेब बिसायख'थियाव देरहाना प्रियंकाया लक सभायाव सौहेंदौं । बिजेपिया प्रियंका गान्धीनि बेग लानायनि सायाव फिनजाथाइ होदौं । बिजेपिनि एमपि संबित पात्रया बुंदौंदि, गान्धी नख 'रा जेब्लायबो नारसिना होनाय बेग सुगासिनो । कंग्रेसआ जेनायनि जाहोनावो बे नारसिना होनायानो होन्नाबो बिथाड बुजे ।

## जर्जियाआव सा 11 भारतीयफोरनि गोथै सह' बोखांनो मोन्दौं



गोदान दिल्ली, 17 डिसेम्बर : जर्जियानिफ्राय भारतनि थाखाय जोबोद बिखा खामथाव खौरां सफैदौं । जर्जियानि गुडैरीआव थानाय गंसे हाजोनि सिस्टैआव सा 11 भारतीयफोरनि जिउ गोमादौं । सान्जा सबियेट हादतनि लके ल मिडिया

रिपटसनि बायदिब्ला, सा 11 भारतीयफोर विष गोनां कार्बन-मन-अक्साइट गेसनि जाहोनाव थैदौं । जर्जियानि राजथावनि त्विलिसीआव थानाय भारतारी थान्दै मावख'आ गुडैरीआव सा 11 भारतनि नोगोरारिफोरा अवथियथै जिउ गोमानायनि बागै

दुखु फोरमायदौं । थान्दै मावख'आ भुगिनांनय नख 'रनि थाखाय दुखु खालामदौं आरो बुंदौं, थान्दै मावख'या जायगानि बिबानगिरिफोरजौं लोगोसे जयै खामानि मावदौं, जाहाथे गोथै सह'खौ थाबैनो आंगो हादतआव दैथाइहरनो हायो । मख 'जाथावदि, जर्जियानि गुडैरीनि हाजोयारि गंसे रिजट'आव गासै सा 12 सुबुंफोरखौ थैनाय थासारियाव बोखांनो मोन्दौंमोन, जायफोरनि सा 11 आ भारतीयफोरमोन । खौरां मोननाय बायदिब्ला जर्जियानि इंसिआरि केसनि मावख'निफ्राय फिन्याय फोसावनाय बायदिब्ला, बैसो थैनायफोरनि देहायाव जेबो हिंसायारि एबा पिजिकेलि जोखोम नुनो मोनाखै । थैनायनि गुबै जाहोनखौ मिबिथिनो फेरैन्सिक वेस्ट खालामनाय जादौं । भारतीयफोरनि गोथै सह'खौ रेस्टुरेन्सनि नैथि थालानि रेस्ट एशियाआव बोखांनो मोन्दौं । बिसोर गासिबो बैयावनो खामानि मावोमोनो ।

## एनआइएया गुवाहाटीआव आल्फा-आइनि गाहाइ अपारेटिभखौ हमदौं



डिब्रुगड, 17 डिसेम्बर : पुलिसजौं जयै मोनसे एनआइएआ होबथाजानाय इनाइटेड लिबरेशन फ्रन्ट अफ आसाम-इन्डिपेन्डेन्ट आल्फा-आइनि सासे गाहाइ अपारेटिभखौ समबारखालि 2024 नि उदांसि सान फोर्बोनि समाव गुवाहाटीयाव बै समाव आइइडि होनायनि दायव हमो । सासे बिबानगिरिया फोरमायदौंदि, आसाम

सेबनायनि उनाव बरुवाखौ हमो । एनआइएनि मोनसे प्रेस फोसावदिनि बायदिब्ला, बरुवाआ जेर सेबनायाव आसाम पुलिसआ सिग्रोमना मोननाय थर 11 आइइडिनि गेजेराव थर 4 खौ उदांसि सानखालि गाव दोन्दौंमोन होन्ना गनायथिदौं । बरुवाया पान बाजार, डिस्पु, डण्डी मन्डप आरो गुवाहाटीनि सतगावआव आइइडिखौ दोन्दौंमोन होन्ना बुंथिदौं । मख 'जाथावदि, बरुवाखौ गोबां सप्ताहनिफ्राय नोजोर लाखिदौंमोन, जेराव टेक्नीकी आरो संगालिनि खौरंखौ बिथा खालामना सिनायथिनो हमदौंमोन । बियो आइइडिखौ बायनाय आरो रोगाना हैनायाव दंफायोमोन, जायनि थाखिया गिदिर बमा बेरुफुहोनायमोन ।

## शिलं उरां गाथोनखौ फुवारनायनि हाबाखौ गोखै

शिलं, 17 डिसेम्बर: मेघालय हाइकर्टआ राइज्यो सरकारखौ उमरइआव शिलं उरां गाथोनखौ फुवारनाय हाबाखौ गोखै मावनो बिथोन होदौं । थाम दाननि गेजेराव एएआइनो गोनां जानाय हा थि खालामनाय एबा बायनाय आरो गथायनायनि बिथोन होदौं । गाहाइ बिजिरगिरि इन्ड्र प्रसन्ना मुखार्जौं आरो बिजिरगिरि वानलुय



उँहनि बेन्चआएएआइनि मददजौं डिजिसिएनो हा थि खालामनायनि

थखाय 3 दाननि गेजेराव मोनसे गुवार यजनाखौ गनायथि होयो

## मावनो हाइकर्टआ बिथोन होदौं

आरो गोहोम गोनां खालामनो बिथोन होयो । कर्टआ राइज्योनि जौगाखांनयाव उरां गाथोननि जौगाखांनयनि मख 'जाथाव बिफावनि सायाव नोजोर होदौं, जेराव बुंदौंदि, बे पेसेन्जार आरो कार्ग ट्रेसपट मोननैनिबो थाखाय गिदिर उरांफोरखौ हगारनायनि सुबिथा होगोन, रांखान्थि जौगाखां आरो टुरिजिमखौ बांहोगोन ।

एफआइखौ दैदेन्नाय भारतनि डिपुटि सलिसिटर जेनेरल डू एन मजिकाआ रोखा खालामदौंदि, डिजिसिए उरां गाथोनखौ फुवारनाय बिथांथिखौ नायसंदौं । कर्टआ बिथोनआव बुंदौंदि, राइज्योनि गासैबो थांथिखौ आजवावनायनि बिथोन होयो, जाहाथे हानि गोनांथि जानाय एरियाखौ थि खालामनानै लानो हायो ।



# मिज'रामनि गिबि मन्थिआ मुख्य मन्थि रबर मिशनखौ जागायदौ

आयजल, 17 डिसेम्बर: मिज'रामनि गिबि मन्थि पु लालदुममाआ थांनाय समबारखालि गिबि मन्थि रबर मिशनखौ जागायो, जाय राइज्योनि आबाद जोगाखानायखौ बां होनाय आरो जायगानि आबादरिफोरनि थाखाय अरयथा आयनि खाबु होनायनि थाखाय मोनसे जारिमिनारि थांखि। लन्च इभेन्टआ आइजलनि दावरपुइ माल्टीपर्पज हलाव जायो, जेराव हा सोदांनय, मृदा आरो दै संरैखाथि मन्थि पु ललथनसांगाआ गेस्ट अफ एनार महैरै बाहागो लायो। गावनि सोमोन्दो लाखिनायाव गिबि मन्थि पु लालदुममाआ



मिज'रामनि आबादरिफोरनि सिगाडाव थांनाय आबाद बिथांखिफोरनाय फेनाय सेलेन्सफोरखौ सिमान लायो आरो गोबां डिमान गोनां फसल महैरै रबरनि गोहोनि सायाव गोनांथि होयो। बिथाड गोनांथि होना बुडेदि, रबरनि आबादआ रांखान्थियारि दिदोमथि होनो हागौ। लोगोसे आबहावनि दिदोमथियावबो मोनसे गाहाइ बादायारि महैरै जायगा होनो हागौ। गिबि मन्थिआ सुबुफोरनो फोशयनाय होयोदि, मिज'रामनि हाखौ गाहामसिनै बाहायनानै

आबादरिफोरनो थोजासे मुलाम्फा होनो थाखाय बे मिशननि सांग्रांथि गोनां बिथांखि खालामनाय जादौ। बे मिशनखौ लन्च खालामनायनि सिगां मिज'रामनि गाहाइ बिबानगिरिफोरा त्रिपुरा आरो के रेलानि बायदि रबर दिहुनग्रा राइज्योफोराव दावबायो। बे हाबाफारिखौ साबसिन फोरमान खालामनो थाखाय आरो साबसिन खालामनो सुबुनफोरखौ बुथुमनो थाखाय रबर बर्ड अफ इन्डियानि जर'खागिरिफोरनो लोगोसे सावयदौ।

# सोनाब गार' हिल्सआव बांद्राय लद जानाय भुटाननि ट्राकखौ जब्द' खालामदौ

तुय, 17 डिसेम्बर: मेघालय पुलिसआ थांनाय रबिबार खालि सोनाब गार' हिल्स जिल्लानि रंसाइनि खाथियाव खमेब्लाबो दं 15 भुटाननि ट्राकफोरखौ होबथानानै जिम्मायाव लायो। बे गारिफोरा बल्डार देथाइहरनो थाखाय बांलादेशआव थांगासिनो दंमोन। जायगानि थागिबिफोर भुटाननि ट्राकफोरनि गेजेरजौ लिस्थाइनि सिमनाखौ लान्थियै सिमफायनारनि सायाव जिंगा सिनाय फोरमायदौमोन, जायनि जेब्लाबो 40-50 मिट्रिक टननिखुइ बांसिन जायो। खनले-खनले सांग्रांथि होसेयावबो बे ट्राकफोरा



अभारलदलाबाय थादौ, जायजौ लामा आरो गुदि बिथाफोरा गोबां ख'हा जायो। बावैसो सिगां मोनसे जाथाया बे आयदाखौ गोब्राबे फोरमान होयो, जेब्ला हल्लीदानगन्जनि खाथियाव थांनाय गंसे दालाडा बे ट्राकफोरनि बांद्राय लिस्थाइनि जाहोनाव गोदोयो। बेनि उनाव खुंथाया एएमपिटि लामानि गेजेरजौ दैथाइ हरनाय हाबाफारिफोरखौ अरयथा नडै महैरै होबथाना लाखियो। बे जेनाया आथिखालाव फिन खेबसे नुजाथिबावदौ। मानोना

ट्राकफोरा पेकन-तुरा-डालु माहारियारि राजा-लामा 51 खौ बाहायनो जागायफिनो। बेयाव फिन खेबसेबाव लिस्थाइनि सिमनाखौ सिमफायो आरो जायगानि थागिबिफोरा असुबिधा जायो। बे आयदानिफ्राय बागरा'नो थाखाय वेस्ट गार' हिल्सनि पुलिस एस्पि अन्नहम टी सांमाया गासै बिबानगिरिफोरखौ लिस्थाइनि सिमनाखौ सांग्रांथियै फोसावनो बिथोन होयो। जिल्ला मेजिस्ट्रेटआ भुटाननिफ्राय बल्डार दैथाइहरनो थाखाय 3-एक्सल ट्राकफोरखौ गनायथि होदौ। आथिखालाव जब्द' खालामनाय ट्राकफोरखौ दैथाइ हरफिननाय जागोन आरो इयुनाव नेम-खान्थि सिफायनायखौ होबथानो थाखाय बिबानगिरिफोरा थासारनि सायाव नोजोर लाखिगोन। जायगानि थागिबिफोरा लामाफोर आरो दावबायारिफोरनि रैखाथिखौ रोखा खालामनो थाखाय हान्था-मेलानि नेम-खान्थिफोरखौ गोखोडै फोसावनो खालायो।

# मणिपुराव बिहारनि लेबारखौ बुथारनाय केसआव पुलिसआ सा 8 उतरवारि आफादनि सोद्रोमा हमदौ

इम्फल, 17 डिसेम्बर: मणिपुरनि काकचि जिल्लायाव बिहारनि सा 8 हौवासाफोरखौ बुथारनाय केसआव पुलिसआ होबथाजानाय उतरवारि आफाद कांलिपाक कमिडनिस्ट पार्टी (पिपुल्स वार ग्रुप) नि सा 8 मावफारियाफोरखौ हमो। बिसोरखौ काकचि जिल्लानिफ्राय हमनो मोन्दौ। पुलिसआ बुदौ बिहारनि सानै हौवासा लेबारफोरखौ बुथारनाय केसआव 14 डिसेम्बराव मणिपुराव सिग्रोमनाय हाबाफारि लादौमोन। बेयाव बै आफादनि सासे सांग्रां सोद्रोमाखौ समबारखालि काकचि लामखाइ ओन्सोलनिफ्राय हमदौमोन। बेनि उनाव पुलिसनि मोनसे टीमआ काकचि ममां चिं



## AFFIDAVIT

I, SWRANG NARZARY, aged about 34 years, S/O. Kabiram Narzary, by Nationality- Indian, a resident of Vill.- Tilapara, P.O.- Rangalikhata, P.S. & Dist.- Kokrajhar, B.T.R., Assam, PIN-783370, do hereby solemnly affirm and declare as under:-

1. That, I am a bona-fide citizen of India by birth and permanent resident of above noted address.
  2. That, my actual/correct name is SWRANG NARZARY, which is recorded in my AADHAAR Card, vide No. 3642 2167 5939 and other relevant documents.
  3. That, in the land document, covered by Dag No. 9, 76, 8 and Patta No. 11, which is situated at Vill.- Rangalikhata Pt-II under Kokrajhar Revenue Circle, Dist- Kokrajhar, BTR, Assam, wherein my name has been recorded as SOURANG NARZARY instead of SWRANG NARZARY.
  4. That, I do hereby declare that SWRANG NARZARY and SOURANG NARZARY is the same and one identical person i.e. myself.
  5. That, this declaration is made by me to ascertain the facts as stated above for avoiding the confusion as well as correction regarding my name and to submit it before the concerning authority for doing needful purpose.
- All the above statements are true to the best of my knowledge, belief and information and nothing has been concealed therein.

## AFFIDAVIT

I, MANMATH NARZARY, aged about 57 years, S/O-Late Tarun Chandra Narzary, a permanent resident of Kokrajhar Town, Tengapara, Ward No. 5 under P.O. & P.S.- Kokrajhar, Dist- Kokrajhar, Assam, PIN-783370, do hereby solemnly affirm and declare as follows:-

- 1) That, I am the bona-fide citizen of India by birth and the permanent resident of above address.
- 2) That, my actual and correct name & surname is MANMATH NARZARY, which is recorded in my Aadhaar Card, vide Card No. 6478 5779 7236, PAN Card, vide Permanent Account No. AAZPN9151G and other relevant documents.
- 3) That, In my Land Documents In respect of a plot of "No.2 Basti" land, covered by Dag No. 5762 & Patta No. 1070/4314 of Kokrajhar Town, Ward No. 5 under Kokrajhar Revenue Circle, Dist- Kokrajhar, Assam, wherein my name & surname has been recorded as MANAMATHA NARZARY Instead of my actual and correct name & surname MANMATH NARZARY.
- 4) That, in the another Land Documents in respect of a plot of "No.1 Basti" land, covered by Dag No. 5763 & Patta No. 3315/4315 of Kokrajhar Town, Ward No. 5 under Kokrajhar Revenue Circle, Dist- Kokrajhar, Assam, wherein my name & surname has also been recorded as MANNATH NARZARY instead of my actual and correct name & surname MANMATH NARZARY.
- 5) That, I do hereby declare that MANMATH NARZARY, MANAMATHA NARZARY and MANNATH NARZARY is the same and one identical person i.e. myself and none other else.
- 6) THAT, I am swearing this affidavit to ascertain the above facts and to avoid the confusion regarding my name & surname as well as rectification/correction as stated above and to produce the same before the concerning authority and doing needful accordingly. The above statements are true to the best of my knowledge, belief and Information and nothing has been concealed therein.

लाइफाम लकनं ओन्सोलाव गंसे केम्पआव सिग्रोमो, जेराव केसिपि (पिडाब्लिउजि) नि आरोबाव सा 7 मावफारियाफोरखौ हमो। बिसोरनिफ्राय हाथियार गुलि-बारुद आरो गं 10 मबाइल फन बोखानो मोनो। केसिपि (पिडाब्लिउजि) आ होबथाजानय आफाद कांलिपाक कमिडनिस्ट पार्टीनि मोनसे हान्जा। बेनि सायाव इम्फल हायेनआव जर-जुलुमै रां खानाय आरो गुबुन जेना गोनां केसफोराव लोब्बा थानाय दाय जाबसिन्नाय

दड। मख'जाथावदि, मणिपुरनि काकचि जिल्ला बिहारनि गपालगन्ज जिल्लायाव थागिबि सुनालाल कुमार आरो दशरथ कु मारखौ काकचि वाबागाइ र'डनि केराकआव पन्चायत मावख' खाथियाव गुलि गावना बुथारदौमोन। थैनायफोरा लेबारनि खामानि मावोमोन आरो काकचिआव भारा न' लानानै थायोमोन। मणिपुरनि गिबि मन्थिया बे जाथायखौ सोंखारिदौ आरो थैनाय नख'रनो 10 लाख रां अन्सु'थाइ होनो फोसावदौमोन।

# मस्कयाव बम बेरफुनाय जाथायाव रासियानि गुन्द्रासा रैखाथि हान्जानि गाहाइया जिउ गोमाबाय

मस्क, 17 डिसेम्बर: रासिनि हादतगिरि व्लादिमिर पुतिनआ बाग्दावखानांदौ। बेयावनि राजथावनि मस्क आव मंगलबाखालि मोनसे गिदिर बेरफुनाय जाथाया सोमजियो, जेराव रासियानि गुन्द्रासा, बायल 'जिके ल आरो रासायनिक रैखाथि हान्जाफोरनि गाहाइ लेफिटेन्ट जेनेरेल इगर किरिलभनि जिउ गोमायो। किरिलभखौ क्रे मलिननि खाथियाव रियाजोस्की प्रस्पेक्टयाव थायाय



मोनसे एपार्टमेन्टनि बायजोआव बुथारो। रासियानि नायबिजिग्रा एजेन्सिनि बायदिब्ला, बे बेरफुनाय जाथाया मोनसे इलेक्ट्रिक स्कु टाराव दोनखुमानाय बमनि जाहोनाव जायो। बम बेरफुनायजौ किरिलभ आरो बिनि सासे हेफाजाबगिरिनि जिउ गोमायो।

नायबिजिग्रा एजेन्सिआ बेखौ मोनसे बुथारनाय जाथायमोन होन्ना फोरमायदौ। हा सानिफ्राय सेबेखांनाय सावगारिफोराव गंसे बिल्डिनि हाबग्रा गेटखौ बायनाय नुनो मोन्दौ। जाथाय जानाय जायगायाव थैजौ लोमसावनाय सानै सुबुनि गोथै सहखौ मोन्दौमोन आरो पुलिसआ ओन्सोलखौ बे'खन्ना लादौमोन। बेनि उनाव बे के सखौ नायबिजिगरो जागायो।

No.EE/PWD/KOJ/R/IFB/33/536/2021-22/31 Dated Kokrajhar the 16/12/2024  
**PRESS NOTICE**  
The Executive Engineer, PWD, Kokrajhar Rural Roads Division, Kokrajhar invites bid on behalf of Governor of Assam for the work "Const. of road at Middle Khagrabari village under Banargaon VCD under SOPD (BTR) for the year 2023-24 (Providing with ICBP from Ch. 0.00m to 464.00m including Box Culvert-1 No.)" under Kokrajhar District, total bid amount Rs. 39,70,000.00 (Approx) from the eligible contractor registered under Class- II & I (A, B & C) category under PWD, (Roads), Assam or BTC.  
Details may be seen at website <http://assamtenders.gov.in> and also at the office of the undersigned during office hours.  
Sd/-  
Executive Engineer, PWD,  
Kokrajhar Rural Roads Division, Kokrajhar  
IPR(BTC)/C/2024-25/1119

No.IND/CHD/Const.-73/2023-24/923 Dated Kokrajhar the 17th December/2024  
**Tender Extension Notice**  
E-Tender Reference No.: 2024 BoTC 40687 1  
Tender id- IND/CHD/Const-73/2023-24/829 Dtd- Kokrajhar the 28th Nov, 2024.  
This is to inform that the last date for submission of E-Tender for the work "Construction of RCC (G + 1) DI&CC Office Building including DT Well Boring, Sanitary Installation and Internal Electrification works, Tamulpur BTC" has been extended up to 26/12/2024 at 13:00 PM due to some Technical reason.  
All other terms and conditions of the tender will remain unchanged. Please note that this corrigendum forms part of the original tender document.  
Sd/- Addl Director & CHD,  
Industries & Commerce Department,  
BTC, Kokrajhar  
IPR(BTC)/C/2024-25/1117

No. 125/ACENIT/Infra/BTC/2022-23/86 Dated Kokrajhar the 17/12/2024  
**TENDER NO. 44 OF 2024-25**  
**PRESS NOTICE**  
(e-Procurement)  
The Addl. Chief Engineer-cum-Director, PWD, BTC, Kokrajhar on behalf of the Governor of Assam invites online EPC Mode-I of contract (Single stage two-part bidding system) for the work "Construction of Proposed Traditional Food Park at Dangaigaon, Chirang, Assam" under Special Development Project for the financial year 2023-24 amounting to Rs.22,69,71,000.00 (Approx.) from the eligible contractors/firm registered under APWD (Building) Class - I (A) category.  
Details may be seen at website <http://assamtenders.gov.in> and also at the office of the undersigned during office hours.  
Sd/-  
Addl. Chief Engineer, Cum Director, PWD,  
Bodoland Territorial Council, Kokrajhar.  
IPR(BTC)/C/2024-25/1124


# श्रीलंकानि हादतगिरिया महाबधि मन्दिरआव दावबायदौ

पाटना, 17 डिसेम्बर: सानथामनि हाबाफारिजौ भारतआव दावबाय फेनाय श्रीलंकानि हादतगिरि अनुर कु मारआ दिसानायकआ मंगलबाराव बधगयाआव दावबायहैयो, जेराव महाबधि



ससाइटिनि सोद्रोमाफोरा बिथांखो दोहौ गोनाडै बरायो। बे समाव गयानि डिएम आरो एसएसपिजौ लोगोसे माखासे आलादा बिबानगिरिफोरा केम्पबो खालामदौ। श्रीलंकानि हादतगिरिया सौहैनायनि सिगांनो उरां गाथोननिफ्राय लानानै बधगयासिमनि लामाखौ सरसनस्ता सुबुफोरनि थाखाय बन्द' खालामदौ। हादतगिरिया बैयाव सौहैनाय महाबधि मन्दिराव फुजा खालामो। बिथाड अबं गसाइ बुद्धखौ दर्शन खालामना फुजा खालामो, जेराव रैखाथि राहाखौ गोखौ खालामनाय जादौ। जिल्ला पुलिसआ हाइ एलाटआव थादौ।

# दिल्लीनि माखासे फरायसालिफोरखौ बमजौ उरायहोनो हुमखि होदौ



गोदान दिल्ली, 17 डिसेम्बर: गोदान दिल्लीनि माखासे फरायसालिफोरखौ दिदौ फुडव बमजौ उरायहोनो हुमखि होदौ। खोला दिल्ली आरो सा-सोनाब दिल्लीनि फरायसालिफोरखौ बमजौ उरायहोनो हुमखि होदौ। खोला दिल्लीनि इन्डियानि पाब्लिक स्कुल आरो सा-सोनाब दिल्लीनि सरस्वति बिहारनि गंसे स्कुलखौ हुमखि होदौ। बे जाथायनि खौरं मोनारनि उनाव पुलिसआ फायर ब्रिगेड आरो बम नायबिजिग्रा दोलोखौ स्कुलआव देथाय हर्दौ। बेनि उनाव स्कुलनि लांगोनाखौ खालि खालामनानै नायबिजिग्रा जायो होन्ना दिल्ली पुलिसआ खौरं होदौ। सुलुनि बादिब्ला, थांनाय 9 डिसेम्बरआवबो दिल्लीनि गं 40 निखुइ बांसिन स्कुलफोरखौ बमजौ उरायहोनो हुमखि होदौमोन। जर'खा बाथ्र्या बेनोदि, बे खेबआव मेल दैथायहरयाआ बम ब्लास्टखौ होबथानायनि सोलायै 30 रोजा डलार दाबि दैखौदौमोन। बेनि सिगांबो माखासे फरायसालिफोराव गिनाय सोमजिहोनो थाखाय सिनायमोनै सुबुफोरा हुमखि होनाय इ-मेल दैथायहरदौमोन। दिल्लीनि लेखइ राइज्यो बेगिरि भिके साक्सेना स्कुल दावबायनानै बेयावनि थासारनि खौरं लादौमोन आरो दिल्ली पुलिस कमिसनार सन्जय आरडुनिफ्राय रिपर्ट बिदौमोन। आथिखालाव दिल्ली पुलिसआ बे इ-मेलखौ नंखाय होना फोरमायदौ।

## जागयनाय, अपारस आरो सामब्लायनाय खामानि

इ-टेन्डर फोसावथाय नं: 67-इपुनजि-आरानवाइ-2024-25-01 आरो 02। अक्ट': 13-12-2024। गाहायाव फोसावथाय खामानि थाखाय मुंसायगिरिया इ-टेन्डर हांखायहरदौ। टेन्डर नं: 1। आइटेमफोरनि सुं: फोसावथाय: बे खामानि थाखाय वेरिदि पर्सननि जगायथाय: (i) निउ बडइगाव-रडिया जंशन-आगियादुरि (एसएल)-टिपुआर(पि)-10.450 टिकेएम, (ii) निउ बडइगाव जंशन-आगियादुरि (लुप लाना)-टिपुआर (एस)-13.108 टिकेएम, (iii) निउ बडइगाव जंशन-आगियादुरि-टिपुआर (टिडब्लिउएस-टिपुआरएसि)-23 सेट (12 आव 1), (vi) एडिगुन/बरेयड रड बेचननि सिडव 06 इटियर मेडन लाइन यर्न आउटनि टिपुआर (टिडब्लिउएस) (12 आव 1 = कोन 06), (v) निउ बडइगाव जंशन-रडिया जंशन-आगियादुरि-टिपुआर (टिडब्लिउएस-डब्लिउसिपुआरएसि)-20 सेट (12 आव 1), (vi) निउ बडइगाव जंशन-रडिया जंशन-आगियादुरि (एसएल)-टिपुआर(पि)-22.00 टिकेएम। टेन्डरनि बेसेन: 80,39,457.18/- रं। अग्रिम रं: 1,60,800/- रं। टेन्डर नं: 2। आइटेमसुं: फोसावथाय: सिनियर डिप्लो/1/रडिया बेचननि सिडव थांनाय चांसरि, बाइहाला, केन्दुना, रडिया जंशन, घाग्राय, नवबारि, कैथालकुसि, टिडु, पाथसाला, सरयेठ, बरेयड रड, सरभम, पातितदवहा, बिजनी आरो चाग्राकाताआव गासे कलनी, सिबियाय भवन/मावखुलि भवन, स्टेसन बायदिवाव दै जागयनाय खाथिनि सामब्लायनाय आरो अपारसन (गासै गं 15 स्टेसननि मोन 19 फिल्टर/पाथ हाउस, कलनी आरो सिबियाय भवन) (ने वीसेनि थाखाय)। टेन्डरनि बेसेन: 2,55,99,626.98/- रं। अग्रिम रं: 2,78,000/- रं। टेन्डर बन्द जानायनि अक्ट' आरो सभ: 06-01-2025 अक्ट'नि 15.00 गिगायाव आरो बेखेव जागोन: 06-01-2025 अक्ट'नि 15.30 गिगायाव। गोजीयाव फोसावथाय इ-टेन्डरनि टेन्डर लाइजौ लोगोसे आबु फोसावथायखौ वेबसाइट [www.ireps.gov.in](http://www.ireps.gov.in) आव मोनो हागोन।

## डिआरएम ( डब्लिउ ), रडिया सा-सान्जा सिमाना रेलवे

डिआरएम ( डब्लिउ ), रडिया सा-सान्जा सिमाना रेलवे  
डिआरएम ( डब्लिउ ), रडिया सा-सान्जा सिमाना रेलवे

डिआरएम ( डब्लिउ ), रडिया सा-सान्जा सिमाना रेलवे



## थांखि गैयै जिउ

लैथीन रुंगु गैयैआव  
बुहुमनि सिमा गैयैआव  
दावबायबाय जिउनि बैथा गैयै दिइया ॥  
समा थांबाय खोन्दो खोन्दो  
बोथोरा फैलायबाय हालो-दैलो  
नेनानैल' थाबाय, थाबाय आं  
बै गोजोन मारुखौ ॥  
माब्ला मोनहैगोन बेनि उदिश गैया,  
सान बेसे थाबावगोन बेनि सिमा गैया  
सिमांना मोकथां मिथि रेंला

सान जिउनि बरादाव नुबाय आं  
गारबोनाय दैथुना बेसेबांवा गोरोन्थि ॥  
जिउआव गोनों गोथोआ फैबाय  
जिउनि आलारिनि थावा रानबाय  
रानहाबनाय आलारिखौ फोजोनो राहा गैला  
गोरोन्थिखौ दासो मोन्दांस' हाबाय  
जिउनि फैसालिखौ बोदलाना नुनो मोनबाय  
गोरोन्थिनि फिथाया गिथाव महरनि बिदै गलासो ॥

धनकिसर बसुमतारी  
गामि/ला:सो:-माकथाड़ गाव  
जिल्ला:- कक्राझार बि टि सि

## मैथु फिथाइया बबे हादतनि माहारियारि फिथाइ?



मोन्नो हानाय जायो। बांसिन सुबुफोरा बेखौ गोमोनाव जानो मोजां मोनो। नाथाय फिथाइया बबे हारिमायारि हादतनि फिथाइ? भारतनि सुबुफोरबो बे फिथाइखौ जोबोद मोजां मोनो आरो आबादबो खालामो। अब्लाबो नाथाय बे फिथाइया भारतनि माहारियारि फिथाइ नडा। मैथु फिथाइया मालेसियानि माहारियारि फिथाइ। मिबथिनो गोनादि, जर'खागिरिफोरनि बायदिब्ला, मैथु फिथाइखौ जानायाव जेबो जेना गैया, नाथाय माखासे जाग्रा मुवाफोरजों लोगोसे जानायावसो खैफोद दड। जर'खायै जेराव प्रटिनआ बांसिन थायो जेरै-गाइखेर दाखा, साहा, कपि, गोबां मेजेम थानाय जाग्रा मुवाफोरजों जयै मैथु फिथाइखौ जानाया देहानि थाखाय साबजाथाव नडा। गोखै जाग्रा मुवाफोरजोंबो लोगोसे मैथु फिथाइखौ जानो नाड। □

मुलुगनि गासै हादतफोरानो गावनि आंगो माहारियारि फिरफिला, माहारियारि जुनात, दाव, बिबार, फिथाइ आरो बायदि बायदि दिन्थिसिन थि खालामनानै लानाय दड। जौनि गेजेराव गोबाडनो मुलुगनि हादतफोरनि माहारियारि फिरफिलानि गाव आरो दिन्थिसिनफोरखौ

मिबथिगौब्लाबो हादतफोरनि बैफोर हादतनि फिथाइ आरो दावफोरखौ मिबथिया। जेरै-थाइजौ फिथाइया भारतनि माहारियारि फिथाइ बायदिनो मैथु फिथाइयाबो दरसे हादतनि माहारियारि फिथाइ। मैथु फिथाइया पष्टिक फिथाइफोरनि गेजेराव मोनसे। सावस्त्रि जर'खागिरिफोरनि बायदिब्ला,

मैथु फिथाइया जौनि देहानि थाखाय मुलाम्फा गोनां। दोगोन बिखान्थिजों लोब्ला गोनां जेनाफोरखौ बाडाइ खालामनानयनिफ्राय लानानै बेयम होबथाग्रा गोहो एबा इमिडनिटिखौ बांहोनायावबो मैथु फिथाइया मुलाम्फा गोनां। फारसेथिं, मैथु फिथाइखौ बोसोरनि जेब्लायबो समावनो

## फैगौ 2030 सिमाव भारतआव 8 कौटि इभि खालामनायनि टार्गेट

गोदान दिल्ली, 17 डिसेम्बर: नख'रि आरो गुबुन हादतयारि कम्पानीफोरा फैगौ 6 बोसोराव भारतनि इलेक्ट्रिक गारि (इभि) आरो उफ्रा उद्योगफोराव 3.4 लाख कौटि रॉनि गोबां इन्भेसमेन्ट खालामनो फोसावखांबाय। थांनाय बुधवारखालि मोनसे रिपटयाव बेनि खौं होदों। स्थिल एस्टेट बोसोनगरि कलियर्स इन्डियाआ गावनि रिपटयाव बुडोदि, फैगौ 2030 सिमाव इभिनि अन्जिमाखौ 30 जौखोन्दो खालामनाय थांखिया जाफुंसारनो थांगसिनो दड। रिपटनि बायदिब्ला, भारतआव गासै गारिफोरनि गेजेराव इभिनि बाहागोया आधिखालाव 8 जौखोन्दो। बिसोर 2024 आव गासै 20 लाख इभि



बानायनायखौ हमदांदों। कलियार्स इन्डियाआ बुडोदि, भारतआ 2030 सिमाव लामाफोराव 8 कौटि इभिजों लोगोसे 30 जौखोन्दो इलेक्ट्रिक गारिफोर खालामनो थांखि लादों। नाथाय फानायनि बिबाडाव लान्थियै बांदों आरो

मिरु सरकारनि नाजासेयावबो दासिमबो जौगाखांनारयनि गोखैथिया लासै जादों। रिपटनि बायदिब्ला, इभि सेगमेन्टयाव आलादा-आलादा कम्पानीफोरा फैगौ 2030 बोसोर सिमाव खोलोब बायदिदै 40 आरख डलार इन्भेसमेन्ट खालामनो

फोसावो। बेसोरनि गेजेराव 27 आरख डलारखौ लिथियाम-आयन बैटरीखौ बानायफिन्ने आरो 9 आरख डलारखौ गाहाइ जोन्थोर आरो इभि बानायफिन्नायनि सायाव इन्भेसमेन्ट खालामनो थांखि लादों। □

## पाटेमाबाद साहा बागानाव मोन्थावनानिफ्राय जानगाराव थांनायनिफ्राय सासे लेबारआ जिउ गोमादों

सालबारि, 17 डिसेम्बर: बाक्सा जिल्लानि सिडाव थानाय पाटेमाबात साहा बागानाव गुबै मोन्थावनानिफ्राय जानगाराव थांनाय सासे आइजो लेबारआ अबथिरायै जोबथा हां बोनायाव ओन्सोलनाडै दुखुनि थासादि सोमजियो। बागाननि अरायथा लेबार एबा खामानि मावग्रा पखिला उरिया (56) आ दिने रंसारि जायो। मख'नो गोनांदि, थांनाय माखासे साननाडै सिन्ध्रि सानायजों भुगिनांनय फिसाय गैयै पखिला उरियाआ मोन्नो गोनां मजुरिखौ मोनाखैमोन। रंखान्थियारि आंखालजों मोगा-मोगि जानाय पखिला उरियाआ

फाहामथायनि आंखालाव समबारखालि मोनाबिलियाव जोबथा हां बोयो। साहा बागाननि खुंथायगिरि राजेश जानालनि गोसोबादिनि थाखायनो दाननैनाडै मजुरि मोनैयाव पखिला उरियाआ रंसारि जादों होना जायगानि

राइजो-राजाफोर अजद होदों। मख'नो गोनांदि, पाटेमाबाद साहा बागानाव दानबान्था गथायना होनो हायैयाव फोसावथाय लगायना होनानै बन्द' फोसावनाय खुंथायगिरि राजेश जानालनि हेंथायै दिने फुं समाव साहा लेबार-

मावसुमाफोरा सोमावसारनाय हाबाफारि खुंदों। 24 घन्टानि गेजेराव जेनाया सुफुंजायाब्ला लान्थियै सोमावसारनो हुमखि होदों मोन साहा लेबार मावसुमाफेरा। फरसेथिंसाहा लेबार मावसुमाफोरा गिबि मन्थ्रिखौ आखाइ होनो दाबि देखंदों। □

No.CHD/UDD-8/15<sup>th</sup> FC/Untied/1<sup>st</sup> Inst./2023-24/3276, Dated.11/12/2024

**PRESS NOTICE INVITING TENDER**

The Council Head of Department, Urban Development Department, BTC, Kokrajhar invites bid for the work "Supply and Installation of 50 watt LED Solar Street Light at Kokrajhar Town" under 15<sup>th</sup> FC (Untied Grant) 1<sup>st</sup> Installment for the year 2023-24 during 2024-25 for amounting Rs.67,98,800.00 (Rupees Sixty seven Lakhs ninety eight thousand and eight hundred) only.

Details may be seen at website <http://assamtenders.gov.in> and also at the office of the undersigned during office hours.

Sd/-CHD  
Urban Development Department,  
BTC, Kokrajhar

IPR(BTC)/C/2024-25/1126

## रंजालि गथ'फोरनि सौरा

### थौ नालेब

थौ  
नालेब  
जोंहाबो  
जिउरामनियाव  
अरुनदयनि फर्म बिनो थानि

बे  
जिउराम  
बेलदाड  
बे खेबावबो  
अरुनदयखौ मा होनो नायनि

मा  
बियो  
मोत्रांगौ  
मानसिफोरनो  
अरुनदय फर्म रान्ना होया

जों  
हले  
बे बाराव  
मोनाबाथाय  
भट सट होथाराहाय नालेब जोंहा

-रैदोम बर', बाक्सा

### सांग्रेमा

हारसिं हारसिं हारसिं  
मा नागिरबायदों,  
फोरमायाखै आंनो मानो  
लोगोयाव माबा बावदों नामा।  
दसे जौलाइ  
दसे गोमोरलाइ  
बेनिफ्राय बैयाव  
बैनिफ्राय बेसिम  
नों मा नागिरबायदों ?  
दानसोरं हरनि समाव  
बबाव नों थाडे  
नागिरो आडे नोंखौ  
लोगो मोनगौबा मोनगौबा।  
अम्बासि हरनि समाव  
गोरबोयाव मानि दुखु लाना।  
मिथिनो हागोनना आं  
नोंनि जिउ जारिमिन,  
फोरमायगोन ना नों  
मोलेले बाथि लाना मा नागिरबायदों  
लोगोआव सोरबा दंबोवोमोन नामा ?  
हांमा दाहा दाला  
सानस'नो हायैखौ  
फोरमायलं नोंनि दुखुखौ  
हायोखोमा आंबो नोंनि जिउआव  
गोजोनखौ हामग्लायनो,  
थास' बिलाइनि दैआ अराय नडा,  
मेगनाव मोदै दाला  
थरथिसे मोदैखौ सुखु खालामना ला।

खोलौ बसुमतारी  
गामि/ला:सो:- माकथाड़गाव।

### जौमोनाव बारहुंखा.....

बोदोर गोसो आजां-गाजां  
सानस'हायै हाबिलाफोरजों  
बुंफबनाय गोरान बालाहामायाव  
फिसिनो लुबैयो दैजों लुफावनानै।

बायसेश्रा सिमांफोरा  
देबोर नाडे आगानफोरा  
आबु बैसोनि सानखान्थि  
बबेखौ लानो बबेखौ दोत्रो बैथा।

आजोला जौमोननि हाबिला  
सोलेरनि दुंबुद गोदौखानायाव  
अनजालिजों गोजोमनानै रजेया  
जिउनि बांसेमाखौ एंगारना संसार जालाडे।

आवोल नांनय जिउनि सानरेब  
बारहुंखाजों बुसोमजानानै नोंबोदि ?  
सिमांखौ फेलें खालामनाय बिदिन्था  
बाला गुदुंजों खामगोदोदों आफा थाला।

बासिख'हायै सिमांनि सिमांफोर  
थि बैथाखौ हमथा हायैआव गोजावबाय  
थांखिनि लामा एंगारनांबाय जावारिनि जारिमिन  
जौमोनाव बारहुंखाया फैनायो - बिदिन्थाया आगर  
एरलाडे।

गलाप खुंगुर बसुमतारी,  
क'क्राझार।

## जाखोबा आंनो अनजालिया बबेनि,

बे सेंग्रा बैसोनि लामायाव  
दुंहावनाय दावदाव मोनसेनि  
लुबैनाय गोसोनि अरथायाव  
समजों गोरबनानै दैदेनलानो  
फोलेर बाराय होलानो मोनसे थिथायाव  
आसा फारिनाय सिनायमोनै लाइजाम  
नेना थादोंमोन सिरि,।  
गोजोन्नाय लानो सान्दोंमोन  
गावखौनो मानसि हिसाबे  
गावदां अखाफोर बादि नुजाना  
गावनि सोरांजों गुबुनखौ  
हेफाजाव होनो।  
सान्दोंमोन बिबार बारिनि  
बिबारा गेवलांब्ला नहुरगोन,  
बेरे सिखिरि हांखायगोन।  
मिजिं लाना दिने थिनानै  
दोननाय सनानि आस्ताम  
गोसोम दागोजों बुंफबहांबाय।  
थिना दोननाय रुपानि मेदेला  
बोरायहांबाय, नेनानै नोंखौ  
असिनब्लाबो अनजालि साननानै।  
बेखौनोथ' नेवावबाय जाखोबा  
नों बबेनि थं मोनगोन साननानै।

मश्री सुर्ज कान्त ब्रह्म  
ला:सो:-दिहिरा  
जिला-बागसा,

## आइन बेरेखा जावनाय हाखरनि दैयाव गोग्लैनानै सासे गथ'साया जिउ गोमादों

बासुगाव, 17 डिसेम्बर: दैसायाव आइन बेरेखायै जावनाय हाख'रनि दैयाव गोग्लैनानै दुखुनांथावै सासे गथ'साया जिउ गोमादों। बे दुखुनांथाव जाथाय चिरां जिल्लानि बासुगाव थानानि सिडाव थानाय उलुबारि गामियाव सोमजिदों। मख'नो गोनांदि, गामिनि साखाथिजों बोहैलानाय कानिभुर दैसा सेराव आइन बेरेखायै बाला जावनानै लांनय हाखरनि दैयाव गोग्लैनानै सासे 7 बोसोर बैसोनि गथ'साया जिउ गोमादों। जिउ गोमानाय गथ'साखौ उलुबारि गामिनि जयउद्दिन शेखनि फिसाज्ला, नै थाखोआव फरायनाय मकबुल हुसेन (7) होन्नानै सिनायथिनाय जादों। राइजो-राजाफोरनि हेंथा होनायावबो आइन बेरेखा जावनायनि थाखाय दिने मिबथिनो एबा बुजिनो रैडै



गथ'सानि अबथिरायै रंसारि जानायखौ ओन्सोलनि राइजो-राजाफोरा खुद्विखांनय फोरमायदों। जायगानि राइजो-राजाफोरनि अजद बादिदै आइन बेरेखा जावनाय खामानि मावबाय थानाय जायगानि साखाथियावनो हिन्दुस्तान पेट्रलियामनि इन्डेन दोनथुमग्रा बिथांखि लुनाय खामानिया सोलिसासिनो दड। फारसेथिं

जिल्ला खुंथाय आरो हिन्दुस्तान पेट्रलियामनिफ्राय जेब्लासिम बिबानगिरिफोरा फैनानै जिउ गोमानाय गथ'सानि नख'रनो थि रंखान्थि खहा सुफुंनयनि राहा लायाब्ला गथ'सानि गोथै सह'खौ लानानै थांहोया होन्ना जायगानि राइजो-राजाफोरा हुमखि होनानै सान्जौफुसिम हेंथा सोमावसारनाय हाबाफारि लाबाय थादों। जायनि उनाव पुलिस आरो मेजिस्ट्रेटआ जाथायसालियाव फै नानै खुद्विखांनय राइजोफोरजों सावरायलायनानै गथ'सानि पस्टमर्टेम आन्जादिनि थाखाय गनायथियो आरो गथ'सानि गोथै सह'खौ बोखानानै पस्टमर्टेम आन्जादिनि थाखाय जे एसबि सिभिल फाहामसालियाव दैथायहरो। □



# टाटा मटर्सआ माखासे गारिफोरनि बेसेनखौ बारायनो थांगासिनो दड

गोदान दिल्ली, 17 डिसेम्बर: कर्माशियेल गारिफोर बानायग्रा हादतनि बयनिखुइ देरसिन कम्पानी टाटा मटर्सआ बृहस्पतिबारखालि फैगो 2025 नि 1 जानुवारीनिफ्राय गावसोरनि ट्राक आरो बासफोरनि बेसेनाव 3 जौखोन्दोसिम बां होनो फोसावो। खौरनि बायदिब्ला, टाटा मटर्सआ मोनसे बिबुथियाव बुडोदि, बेसेनाव बां होनायखौ इनप्रप बेसेनाव बां नायनि थाखाय बां होनाय जादों। बेनि सोमोन्दै कम्पानीआ बुंवावदोंदि, बेसेनाव बां नाया आलादा-आलादा मडेल आरो भेरिएन्टि बायदिदिये आलादा-आलादा जागोन। नाथाय बेयो ट्राकफोर



आरो बासफोरनि गासै रेन्जयाव सोलिंगोन। फैगो दाननिफ्राय गावसोरनि दावबायारि गारिफोरनि बेसेनाव 3 जौखोन्दोसिम बारायना होगोन होन्ना टाटा मटर्सआ थांयाय समबारखालि बुडो। कम्पानीआ गोथां मालनि बेसेन आरो मुद्रास्फोतिआव बां होनायनि गोहोमखौ खावसे महैर खम खालामनो थाखाय बिसोर

गारिफोरनि बेसेनफोरखौ बां होनो थांगासिनो दड। बिबुथि बायदिब्ला, फैगो 2025 जानुवारीनिफ्राय गोहोम गोरलेंनो गोनां बेसेन बां नाया मडेल आरो बिसोरनि एडिशनि सायाव बिथा खालामनानै आलादा-आलादा जागोन। टाटा मटर्सनि थांयाय नभेम्बर दानाव गासै फानाया एसे बां नायै 74,753 इउनिट जायो। □

# नेपालनि मोनसे मेलायाव मा 4200 मैसोफोरखौ बोलि होनाय जादों: रिपर्ट

गोदान दिल्ली, 17 डिसेम्बर: न'सुंसे हादर नेपालनि बारा जिल्लयाव गढिमाइ देबिनि जायगायाव मोनफ्रोम 5 बोसोरव खेबसे मेला खुं नाय जायो। बेयाव 2.5 निफ्राय 5 लाख जुनातफोरखौ बोलि होनाय जायो। बे खेबआव जुनातफोरखौ रैखा खालामनो बिएसएफ आरो जायगानि खुंथाया हर-सान नाजागासिनो दडमोन। नाथाय गासै 15 सान खुंजानाय बे मेलायाव देलाय साननै(8 आरो 9 डिसेम्बर) आवनो मा 4200 मैसोफोरखौ बोलि होदों होन्ना खौरं मोनाय जादों। बेराफार्से खुंथायनि सांग्रिथिनि जाहोनाव खमैबो मा 750 जुनातफोरखौ रैखा खालामनो हादों, जेराव मैसो, बोस्मा, बोस्मा मेन्दा आरो गुबुन जुनातफोरखो दड। रैखा



खालामनो हानाय जुनातफोरखौ गुजरार्नि जामनगरआव रिहाइन्स गुपनि वाइल्ड लाइफ रिहाइबिलिटेसन सेन्टारआव दैथायहरनाय जादों। बारा जिल्लयाव गढिमाइ मन्दिरआव 5 बोसोरनि उन-उनाव

खुंजानाय मेलाखौ थां नाय 2 डिसेम्बरआउं नेपालनि लेडइ हादरगिरि राम सहाय यादबआ बेखेवनानै होदोंमोन। बे मेलाआ थां नाय 15 डिसेम्बरआव जोबलाडो। बे समाव 8 डिसेम्बरखालि जर'खा पुजा

जादों आरो बेनि उनाव जाय सुबुंफोर गावनि हास्थायनाय एबा बोर बिनायै जाफुंदों, बिसोरो जिब-जुनात, दाव बोलि होदों।

बुं नाय जायोदि, 265 बोसोरनिफ्राय गढिमाइनि बे फोबोखौ खुं बोदों। नेपालनि सुप्रिम कर्टआ 2019 आव जिब-जुनात बोलि होनायखौ होबथानाय बिथोन होदोंमोन। गढिमाइ मेलाआ गिनिज बुक अफ वर्ल्ड रेकर्डआव बयनिखुइबो बांसिन बोलि होनाय नेमकान्थि महैर मुं थिसनजाखां बाय। बेयाव गिबिसिनै बारानासिन डम रजा फोलेरनिफ्राय फैनाय मा 5100 जुनातफोरखौ बोलि होनाय जायो। बे मेलायाव नेपालनि अनगायै भुटान, बांलादेश आरो भारतजों लोगोसे गोबां हादरफोरनिफ्राय रोजा-रोजा सिबियारिफोर थाडो। □

# आमेरिकानि भिस्कान्सिननि स्कुलआव गावग्लुं नाय जाथाइ जादों




गोदान दिल्ली, 17 डिसेम्बर : आमेरिकानि भिस्कान्सिस ओन्सोलनि मेडिसनआव थानाय गंसे स्कुलआव समबारखालि गावग्लुं नायाव सन्देह' खालामथावना गाग्लोबराजों लोगोसे सा 5 सुबुंफोरनि जिउ गोमायो। बे जाथायाव सा 6 गुबुन सुबुंफोर जोखोम जादों। पुलिसनि बादिब्ला गाग्लोबराया स्कु लनिनो फरायसामोन। गावग्लुं नायनि उनाव जेब्ला पुलिसआ सौफैयो

अब्ला गाग्लोबग्रानि जिउआ गोमाबायमोन। मेडिसन पुलिस बिफानआ इन्टर्नेट मिडियाआव मिबिथि होयोदि, गुलि गावग्लुं नाय जाथाया एबन्डेन्ट लाइफ क्रिष्टियान स्कुलआव जादों। बे प्राइभेट स्कुलआव गासै सा 400 फरायसाफोरा फरायो एबा सोलेंथाइ लायो। मेडिसन पुलिस कमिसनार शान बार्न्सआ बुडोदि गावग्लुं नायाव सा 3 सुबुंफोर जिउ गोमायो, जेराव सन्देह' खालामथाव

सुटारआबो दंफायोमोन। सा 6 जोखोम जानायफोरखौ देहा फाहामसालियाव थिसन्नाय जायो। मानि थाखाय गावग्लुंदोंमोन बेयो दासिमबो रोखा जायाखै। जाथायनि सायाव नायबिजिरनायखौ जागायबाय। स्कुल शुटि डायवेस वेबसाइटनि बायदिब्ला, बे बोसोराव आमेरिकायाव मोन 322 स्कुलफोरव गावग्लुं नाय जाथाया जादों। थां नाय बोसोरव मोन 349 स्कुलफोरव गावग्लुं नाय जाथाया जादोंमोन। बे जाथायनि सायाव आमेरिकानि हादतगिरि ज' बाइडेनआ जिंगा सिनाय फोरमायदों। बिथांआ बे जाथायखौ खाफल गाज्रि आरो इम्प्युटेन्ट होन्ना मिबिथि होयो। गावग्लुं नायखौ सोंखारिनानै बुडोदि, बे जाथाइआ फिन खनसेबाव गोखों हाथियार आयेनफोरनि गोनांथिखौ सावगारि बोदों। □

# चीनआ हादतनि बयनिखुइ देरसिन गेना-खान्थियाव लोब्बा थानाय बिबानगिरिफोरखौ फासि होदों




बेइजिं, 17 डिसेम्बर: चीननि सरकारआव गेना-खान्थिनि फारसे जिउ टोलेन्सनि नेम-खान्थि दड आरो बे नेम-खान्थिनि गेजेरजों चीननि सरकारआ गावनि आरोबाव सासे देरसिन बिबानगिरिखौ थैनायनि साजा होयो। चीननि सरकारआ मंगलबारखालि सा इनर मंगलिया स्वायत ओन्सोलनि आगुनि बिबानगिरि ली जियानपिंखौ फासि होयो। ली

जियानपिंखौ हादतनि दासिमनि बयनिखुइ देरसिन गेना-खान्थि के सआव दायनिगिरि मोन्दोंमोन। बे गेना-खान्थिखौ 42 कौटि आमेरिकान डलारनिखुइ बांसिन होन्ना फोरमायनाय जादों। ली जियानपिंआ चीननि खुंथायाव थां नाय 2022 नि सेप्टेम्बर दानावनो थैनायनि साजा होदोंमोन। नाथाय बियो साजानि हेंथायै आर'ज गाबदोंमोन। आर'ज गाबनायनि उनावबो चीननि सुप्रिम कर्टआ साजाखौ समानै लाखियो,

जायनि उनाव आथिखालाव लिखौ फासिनि साजा होयो। चीननि मिडिया रिपर्टनि बायदिब्ला, ली जियानपिंखौ बिजिरसालिनि गेजेरजों 42 कौटि डलारनि आयेन बेरेखा खामायनायनि दाय मोन्दोंमोन। बेखौ चीननि जारिमिनि बयनिखुइ देरसिन गेना-खान्थि महैर फोरमायनाय जादों। थां नाय 2012 आव चीननि खुंथायाव फे नायनि उननिफ्रायनो हादतगिरि शि जिनिपिंनि गेना-खान्थिनि हेंथायै गोखों आखु दिन्थियो। दासिमाव शि जिनिपिंनि हाबा मावनाय समाव सानै आगुनि रैखाथि मन्थि आरो गोबां सान्थि यारि बिबानगिरिफोरजों लोगोसे 10 लाखनिखुइ बांसिन पाटि बिबानगिरिफोरनि हेंथायै गेना-खान्थि के सखौ गोखोडै नायबिजिरो। मख'नो गोनांदि, चीनआव गेना-खान्थिजों लोब्बा थानाय बिबानगिरिफोरखौ साजा होनाय केसआ बांनो हमदों। □

# रसियाआ गोदान स्टारलिं किलार हाथियार जौगाखां होदों



गोदान दिल्ली, 17 डिसेम्बर : रसियान सान्थिया मोनसे ओरैबायदि हाथियार जौगाखां होदों, जाय इउक्रेन आरो आमेरिकान आर'बपति एलन मास्कनि गोजोनखौ सिमफायनो हागौ। रसियान सान्थिया मोनसे ओरैबायदि मडार्न प्रग्राम जौगाखां होदों, जाय सुथुरनि इउएथि (डून) खौ स्टारलिं सिस्टेमनिफ्राय मोनो हानाय सिगनेलजों हमखांनो हागौ। रसियानि बे गोदान सिस्टेमखौ स्टारलिं किलार होन्ना बुं नाय जादों। फारसेथि बेनि मुंखौ मावख'यारि महैर कलिंका मनिटारि सिस्टेम दोन्दों। मिडिया रिपर्टसनि बायदिब्ला, इउक्रेना रसियानि बे जौगाखां होनाय सिस्टेमखौ लाना सान्नांगौ जानानै फेदों। मानगोनां रसियाखौ इउक्रेन सान्थिया डूनजों गाग्लोबनानै जेनायाव दोन्दों। नाथाय गोदान सिस्टेमजों रसियाआ डूनजों गाग्लोबनायखौबो आबुडै होबथानो हानाय जासिगोन आरो दावहानि सावगारिया आलादा महर लानो हागौ। फारसेथि एलन मास्कनि थाखाय जिंगानि बाथ्राया बेनोदि, स्टारलिं सिस्टेमआ एलन मास्कनिनो आरो बेनि गुदिखौ रसियाआ मोनो हानया मास्कनि थाखायबो गोमोथाव जादों। रसिया-इउक्रेन दावहायाव आमेरिकया इउक्रेननि मदतनि थाखाय एलन मास्कनि कम्पानी स्टारलिं टेलिकमिउनिक्टे टर्मिनेलखौ होदों। बे टर्मिनेलखौ बाहायना इउक्रेना रसियानि सायाव उरां आरो दै सान्थिनि डूनजों गाग्लोबजों। रसियान मिडियानि बायदिब्ला, कलिंका मनिटारि सिस्टेमखौ रसियानि सेन्टार फर आनमेन्ड सिस्टेम एन्ड टेक्नल'जौज (सिबिएसटि) आ जौगाखां होदों। बे सिस्टेमआ 15 कि:मि: गोजाननिफ्राय सुथुरनि इन्खौ हमदोंनो हागौ। □

# कानाडानि लेडाइ गाहाइ मन्थिआ मोन्नेबो मन्थि बिबानखौ नागाराबाय



गोदान दिल्ली, 17 डिसेम्बर: आमेरिकानि गोदानै सायख' जानाय हादतगिरि डनाल्ड ट्रम्पनि टेरिफ हुमखि होनायनि सायाव जास्टिन टुडनिफ्राय गनायथि मोनैनि उनाव कानाडानि लेडाइ गाहाइ मन्थि क्रिस्टिया फ्रिलेन्डआ मोनसे सोमोनांथाव थांखि आजावनानै समबारव गावनि बिबानखौ नागारो। बिथाड लेडाइ गाहाइ मन्थिजों लोगोसे कानाडानि रंखांथि मन्थिबोमोन, बे बिबानखौबो बिथाड नागाराबाय। फ्रिलेन्डनि बिबान नागाराया गाहाइ मन्थि टुडनि हेंथायै बिथानि मन्थि आफाद सिंआव गिबि खेब उदाडै गनाथियैखौ दिन्थिदों। फ्रिलेन्डआ हरखाब बिबान नागारायनि उनावनो

केबिनेटनि सोद्रोमा डर्मिनिक लेब्लॉकआ कानाडानि रंखांथि मन्थि महैर समायखिरा लायो। गाहाइ मन्थि टुडनि गोबाव समसिम हेफाजाबारि बिफाव लाबोनाय लेब्लॉकआ बिथानि मन्थि आफादआव रइज्योआरि रेखाथि मन्थि महैर हाबा मावदोंमोन। बे थांखिखौ ओरैबायदि समाव आजावदों, जेराव कानाडाया गोनांथि खालामनाय नडै खरसाफोरनि जाहोनाव 62 डलार बिलियन खहाजों भुगिनांनो दड। फ्रिलेन्डआ गावनि रिजाइनेसन लेटराव ट्रम्पनि कानाडान इन्पर्टनि सायाव 25 जौखोन्दो टेरिफ जाबसिन्नायनि यजना पारसे इसार होनायै बुडोदि, हादतआ आथिखालाव मोनसे गिदिर सेलेन्जजों मोगा-मोगि जानांदों। बिथाड बुंदों, टुडआ गावखौ गुबुन बिबानाव बोस्लायनो नागिरदोंमोन। नाथाय गाव बेखौ गनायना लानायनिखुइ केबिनेटनिफ्राय बिबान नागरानायनो मोनसेल' मोजां लामा होन्ना बुंदों। कानाडानि गाहाइ मन्थि जास्टिन टुडआ फ्रिलेन्डनि बिबान नागरानायखौ आबुडै गनायना लानो हाजोबै समावनो खालिस्तान हेफाजाबगिरि आरो निउ डेमक्रेटिक पार्टिनि दैदेनगिरि जगमित सिंआ मोनसेबाव गोखों सोमोनां होयो। बेनि गेजेरजों सा 23 एमपिफोर टुडनि बिबान नागरानांगौ दाबिखौ लाना गांसे लाइजाम हर्दों। □

# दिल्ली-एनसिआव गुसुआ बांदों

गोदान दिल्ली, 17 डिसेम्बर: मंगलबारखालि दिल्ली-एनसिआरनि आलादा-आलादा जायगाफोराव गोबां खुवा खुदों। खुवानि जाहोनाव नुथाया खम जानायनि जाहोनाव गारि सालायगिरि सुबुंफोरा जेना सोमजिदों। मंगलबार फुंआव दिल्लीनि मिनिमाम बिदुड 4 डिग्री सेल्सियाससिम सौहैदों। बोथोर बिफाननि बायदिब्ला, दिल्ली एनसिआरआव मंगलबारखालि खुवा खुनायनि जाहोनाव मिनिमाम बिदुड 4 डिग्रीनि गाहायाव थांनो हागौ। मेक्सिमाम बिदुंआबो 22 डिग्रीसिम सौहैगोन। साननि समाव सानुं ओंखारना थागोन। बोथोर बिफानआ बुडोदि, फैगौ सानैसिमाव दिल्ली, पान्जाब, हरियाणा आरो जम्मू-काश्मीरआव खुवा खुनो हागौ। अदेबानि राजस्थानाव 17 निफ्राय 20 डिसेम्बरसिमाव बे बायदिनो थागोन। उत्तर प्रदेशनि माखासे जिल्लाफोरव गुसुआ बांदों। मिनिमाम बिदुड 5 डिग्री सेल्सियासनि खाथिसिम सौहैदों। बोथोर बिफाननि बायदिब्ला,



मंगलबारखालि फुंआव बलिया, देवरिया, गरखपुर, महाराजगन्ज, सिद्धार्थनगर आरो गन्ड जिल्लाफोरव गोबां खुवा खुदों। बेजों लोगोसेनो हर्दइ, फरुखाबाद, कन्नज आरो सहारनपुरजों लोगोसे माखासे जिल्लाफोरवबो फैगौ सानै सान्थामसिम खुवा खुबाय थानो हागौ। □

No.KDB-448/2023-2024/10715 Dated the 16<sup>th</sup> Dec., 2024

**NOTICE INVITING TENDER**

Sealed tender affixing a non-refundable court fee stamp of Rs. 8.25 (Rupees Eight and twenty five rupees) only with a validity period of 180 days, which will subsequently be covered and drawn up in the printed of F-2 form are invited from the registered contractor Class-I (A, B, C) & Class-II Categories Assam P&RD and BTC, according to their eligibility for submitting tenders for the works under SOPD-G fund for the year 2024-25 as stated below. The tender will be received by the undersigned upto 2.00 PM of 06/01/2025 and will be opened on the same date & place at 3.00 PM.

Sl. No.	Name of Work	Location	A.A. Amount (Rs. In lakh)	Cost of bid document	Amount of bid security	Time of completion
1	Community based Rural Tourism Scheme under Bodoland Home stay initiative	Raimona Range	10.00 L	0.03%	SC/ST= 1% OTH = 2%	3 months
2	Community based Rural Tourism Scheme under Bodoland Home stay initiative	Raimona Range	10.00 L	0.03%	SC/ST= 1% OTH = 2%	3 months
3	Community based Rural Tourism Scheme under Bodoland Home stay initiative	Raimona Range	10.00 L	0.03%	SC/ST= 1% OTH = 2%	3 months

Details N.I.T may be seen in all working days during office hours in the office of the undersigned. Tender will be issued to the contractors of their authorized agent from 17/12/2024 to 06/01/2025 in the office of the undersigned on payment in the form of demand draft/banker's cheque from any Nationalized bank, duly pledged in favour of the BDO, Kachugaon Dev. Block, Gurufela.

Sd/-  
Block Development Officer,  
Kachugaon Dev. Block, Gurufela

IPR(BTC)/C/2024-25/1125

No.MDB/sports-698/2024-25/4041 Date: 13/12/2024

**SHORT NOTICE INVITO TENDER**

Sealed tender affixing a non-refundable court fee stamp of Rs. 8.25 (Rupees eight & twenty five) only with a validity period of 180 days, which will subsequently be converted and drawn up in the printed of F-2 form are invited from the registered Contractors of Class-II and Class-I (A, B & C) category of Assam PWD (Building) and BTC, according to their eligibility for submitting tenders for the works under SOPD (Sports & Youth) fund for the year 2024-25 as stated below. The tender will be received by the undersigned upto 1.00 PM of 07-01-2024 and will be opened on the same date & place at 1.30 P.M.

Sl. No.	Name of work	Tender Amount (Approx)	Cost of Tender Paper	Time of Completion of work
1	Imp. of Dimapur Playground under Udalguri Dist.	7.00 Lakh	350	3 months from the issue of FWO

Detail N.I.T. may be seen in all working days during office hours in the office of the undersigned. Tender will be issued to the contractors or their authorized agents from 16-12-2024 to 07-01-2025 in the office of the undersigned on payment in the form of Demand Draft/Banker's cheque from any Nationalized Bank, duly pledged in favour of the Principal Secretary, BTC Kokrajhar, payable at Kokrajhar.

Sd/-  
Block Development Officer,  
Mazbat Dev. Block, Mazbat

IPR(BTC)/C/2024-25/1116

No.MDB/sports-699/2024-25/4040 Date: 13/12/2024

**SHORT NOTICE INVITO TENDER**

Sealed tender affixing a non-refundable court fee stamp of Rs. 8.25 (Rupees eight & twenty five) only with a validity period of 180 days, which will subsequently be converted and drawn up in the printed of F-2 form are invited from the registered Contractors of Class-II and Class-I (A, B & C) category of Assam PWD (Building) and BTC, according to their eligibility for submitting tenders for the works under SOPD (Sports & Youth) fund for the year 2024-25 as stated below. The tender will be received by the undersigned upto 1.00 PM of 07-01-2024 and will be opened on the same date & place at 1.30 P.M.

Sl. No.	Name of work	Tender Amount (Approx)	Cost of Tender Paper	Time of Completion of work
1	Land Development and Iron Goal Post at Rasaraj ME School Playground, Habigaon under Sports & Youth Welfare Deptt. SOPD for the financial year 2024-25.	7.00 Lakh	350	3 months from the issue of FWO

Detail N.I.T. may be seen in all working days during office hours in the office of the undersigned. Tender will be issued to the contractors or their authorized agents from 16-12-2024 to 07-01-2025 in the office of the undersigned on payment in the form of Demand Draft/Banker's cheque from any Nationalized Bank, duly pledged in favour of the Principal Secretary, BTC Kokrajhar, payable at Kokrajhar.


Sd/-  
Block Development Officer,  
Mazbat Dev. Block, Mazbat

IPR(BTC)/C/2024-25/1115



# चिरांआव 12 सान जौगाथायनि हाबाफारि खुंदों

**बासुगाव, 17 डिसेम्बर:** राज्ज्यो नाडै-नो गिबि मन्थ्रि उ हिमन्त बिश्व शर्मा दैदेनाय 12 साननि जौगाथाय हाबाफारिनि बाहागो महरै चिरां जिल्लायावबो 12 साननि जौगाथाय हाबाफारि खुंनय जायो। काजलगावआव थानाय पेरैड ग्राउन्डआव खुंनय हाबाफारियाव गुबुन गुबुन बिथांखिनि सिडव हारोंथाय गोनां फरायसाफोरनि गेजेराव साइकेल, स्कुटि आरो चेक रानाय हाबाफारिखौ बेखेवनानै होयो राज्ज्योनि केबिनेट मन्थ्रि उर्खाव गोर ब्रह्मआ। आनन्दराम बरुवा बान्थायनि सिडव गासै सा 370 फरायसाफोरनो बान्था होनायजों लोगोसे गिबि



मन्थ्रिनि जर'खा बिथांखिनि सिडव 9 थाखोनि गासै सा 5,938 फरायसाफोरनो साइकेल, प्रज्ञान भारति बिथांखिनि सिडव गोजौसिन गेजेरारि फरायसालियाव सेधि मासि

आवग्रिनाय आरो 75 जौखोन्दो मोन्नो हानाय फरायसाफोरनि गेजेराव उ

बानिकान्त काकति गुन गोनां बान्था महरै गं 580 स्कुटि होनाय जायो। मन्थ्रि उर्खाव गोर ब्रह्मआ फरायसाफोरनि जाफुंसारनायाव गोजौन्नाय फोसायनानै फरायसा, दिथागिरि आरो गासै सोलेंथाइ राहाखौ बे गुन गोनां फरायसाफोरखौ मदद-हेफाजाब होनो थाखाय खवलायहरो। मन्थ्रि आ

ओन्सोलनि फालांगिरिफोरनो गोहो होनाय आरो गावगसंथानो हानायखौ नोजोर होनानै आत्मनिभर आसाम बिथांखिजों लोगोसे फरायसा अन्सायनायनि फार्से सरकारनि बिबान लानायखौ फोरमायथिनानै होयो। एमएलए अजय कुमार रायआ गावनि बिबुंधियाव बे बायदि बिथांखि मावफुंनयनि बिथिडव गिबि मन्थ्रि आरो सोलेंथाइ मन्थ्रिखौ बिसोरनि गोखौं नाजानायनि थाखाय साबायख'र जासिहरनानै फरायसाफोरखौ गोजौं इयुनि थाखाय बे खाबुफोरखौ मोजौडे

बाहायनो खवलायहरो। जिल्ला बेंगिरि जतिन बराआ चिरां ओ आसामनि फरायसाफोरनि गोजौं इयुन दाफुंनयनि बिथिडव बे जौगालु बिथांखिफोरनि गोनांथार होन्नानै फोरमायो। बे हाबाफारियाल सिदली बियाबनि एमएलए निर्मल कुमार ब्रह्म, धनन्जय बसुमतारि, बिटिसिनि मावफुं' सोद्रोमा सायखं बसुमतारि, एमसिएलए प्रदिप कुमार बायन, चिरांनि उन्न जिल्ला बेंगिरि फिदुस आसम सेख आरो फरायसालि नायदिगिरि बिजय बैण्णबजों लोगोसे माखासे गागि सुबुंफोर बाहागो लायो।

## लामाबारि साह बागाननि 10 नं लाइननि गेलेमु फोथाराव मेल जथुमसालि जौसांनि अन्थाइ खाम्फा गायसन्दों

**उदालगुरि, 17 डिसेम्बर:** उदालगुरि जिल्लानि 47 नं माजबात बिधान सभा बियाबनि सिडव थानाय लामाबारि साह बागाननि 10 नं लाइन गेलेमु फोथाराव मेल जथुमसालि जौसांनि अन्थाय खाम्फा गायसन्नायजों लोगोसे बागाननि कृष्ण मन्दिरआव दिने मडेल टहलेट बेखेवना होदों बिटिसि पासनै सेफां बियाबनि एमसिएलए दिपक मौरआ। मख'नो गोनांदि, 5 लाख 71 रोजा रॉनि टहलेट आरो 11 लाख रंजों मेल जथुमसालि जौसां लुनायनि थाखाय अन्थाइ खाम्फा गायसन्नायखौ राइजो-रजाफोर साबायख'र बाउदों। बे हाबाफारियाव एमसिएलए दिपक मौरजों लोगोसे 39 नं पासनै सेफां मन्डलनि आफादगिरि जिबन देका आरो जायगानि राइजो-रजाफोर बाहागो लाफैदों।

( 1 बिलाइनिफ्राय )

## कक्राझारनि साइ चेन्टारआव 'फिट इन्डिया साइक्लिं मंगलवार' हाबाफारिखौ जागायबाय

बायदि कक्राझारनि स्पर्टस अथ'रिदि अफ इन्डिया ट्रेनि सेन्टारआवबो खेल' इन्डिया सेन्टार, फरायसालि, जिल्ला खुंथाइ आरो माइ भारत मावसोम हान्जाफोरनि हेफाजाबाव साइकेल रेलिखौ खालामनाय जादों। बे साइकेल रेलिनि गेजेरजों हाथा-मेलानि मोनसे अरायथा राहा आरो देहायारि हुदानि मोनसे मुलाम्फा हिसाबै साइकेल सालायनायखौ गोसारहोनो थाखाय ओन्सोलाव संग्रांथि लाबोनायखौ दिन्थिदों। दिनेनि बे साइकेल रेलिखौ साइ ट्रेनि सेन्टार, कक्राझारनि गाहाइ दरखनिफ्राय जागायनानै कक्राझारनि बिटिसि सेक्रेटारियेटनि गाहाइ दरखिसि 5 किल'मिटर साइकेल सालायनायनि जय राइड नुनो मोन्नाय जादों। आसाम अलिम्पिक गौथुमनि लेडइ आफादगिरि कबिरन्जन ब्रह्म आरो बारग' हादत गेजेरारि आसारि गेलेगिरि सन्जय बर'आ दिने फुंनि 8:30 रिंगायाव साइक्लिं हाबाफारिखौ फिन्फिला दिन्थिनानै बेखेवनानै होदों। बे हाबाफारियाव एस.टी.सी., कक्राझार, खेल' इन्डिया सेन्टारनि गोजौ थाखोनि एथलीटफोर, तितागुरि गोजौ फरायसालिनि फरायसाफोर आरो गुबुन फिटनेस गोसो गुदु सुबुंफोर बाहागो लायो। मख'नाय जायोदि, दिने बेखेवनयनि उनाव हादतनाडे मोनफ्रोमबो मंगलवार साइकेल सालायनाय हाबाफारिफोर सोलिबाय थागोन। थानाय 2019 माइथायाव हादतनि गाहाइ मन्थ्रि नरेन्द्र मदिआ जागायजानाय फिट इन्डिया मुभमेन्टआ मोनसे गुदि हाबाफारि, जाय भारतखौ मोनसे गेलेमु गोहोगोरा जानायनि लामाखौ थि खालामो। बे सोमावसारनाया गासै हादतनि सावस्त्रि बिधिं, गेलेमु बिधिं आरो हादतयारि गेलेमुफोरखौ जौगाहोनायाव थुलुंगा होयो।

## मुसलपुरआव सानजौफुनि आदार संग्र मावफारिया आफादा खुद्रिसारदों

गेजेरजों गिबि मन्थ्रिनिमिस गोसोखां लाइ दैथायहरो। बेनि सिगां आफादनि गासै सा 500 निबो बांसिन सोद्रोमाफोर हान्जा सुरनानै बाक्सा जिल्ला बेंगिरि मावखुलिखौ बेंनानै बायदि रोखोमनि स्ल'गानजों गोखौं सोमावसारो। बाक्सा जिल्ला सानजौफुनि आदार संग्र मावफारिया आफादनि नेहाथारि भनिता मेधिआ राइज्यो सरकारनि गिबि मन्थ्रिखौ खोथा होनायखौ रैखाथि होनानै सानजौफुनि आदार संग्र मावफारियाफोरनि दानबान्था बांहोनो फेंगौ बाजेट जथुम्यायाव थांखि आजावो दाबि देखाडो।

## राजेश जालाननि हेंथायै बाक्सानि पाटेमाबाद साहा बागानाव हेंथा सोमावसारनाय हाबाफारि खुंदों

हरखाबै लेवारफोरनि सायाव गुबुन गुबुन अजद दैखानानै बन्द' फोसावथाय होनायखौ लानानै पाटेमाबाद साहा बागानाव दुंहाव थासारि सोमजिदों। थानाय सान्नाइ पाटेमाबाद साहा बागानाव सोमावसारनाया दुंहाव जानानै दड। खुंथायगिरि जालानआ खैसार सानायनि अजद दैखानानै थाबैनो राइज्योनि लेवार बिफानखौ राहा आजानायनि दाबि दैखानों साहा लेवार मावसुमाफोर। मख'नो गोनांदि, दान्नाइ मर्जुरिनिफ्राय जानगायव थानानाय बागाननि अरायथा लेवार फिसाय गैयै पखिला उरियाआ मैया फाहामथायनि आंखालाव जिउ गोमानाय जाथायखौ लानानै साहा लेवार मावसुमाफोर खुद्रिखानाय फोरमायदों।

## तामुलपुरआव सरकारि बिथांखिनि रांखान्थि अन्सुंथाइनि चेक बिलाइ गथायदों

हान्जा, एबा सेल्फ हेल्प ग्रुपफोरनो रॉनि अन्सुंथाइ चेकखौ गथायदों। तामुलपुर जिल्लानि श्री श्री गपाल आरो जगनाथ धान मन्दिरआव आसामनि केबिनेट मन्थ्रि नन्दिता गाल'सा आरो तामुलपुर बियाबनि एमएलए जलेन दैमारिनि जुथाइयै नुजाथिनायाव मोनसे हाबाफारिनि गेजेरजों बे रॉनि अन्सुंथाइ चेकखौ रानानै होयो। मख'नो नांगोनिदि, तामुलपुर जिल्लाआव गासै सा 4,689 सुबुंफोरनो थानाय माखासे सान सिगांआव खहा जालांजानाय आरो गावसंथा हान्जानो राडरि मदद होयो। तामुलपुर जिल्लाआव रॉनि अन्सुंथाइ चेक रानाय हाबाफारिआव बिटिआरनि मावफुं सोद्रोमा रनेन्द्र नाजरी, तामुलपुर जिल्ला बेंगिरि पंकज चक्रभर्ती, बिटिआरनि एमसिएलए पबित्र कुमार बर' आरो हेमन्त कुमार राभा बिथांमोहनबो बाहागो लादोंमोनि।

# आसाम-भुटाननि सोमोन्दोखौ गोखौं खालामनो भुटाननि राजाजों गिबि मन्थ्रिआ गोनांथार सावरायलायदों

सिगांनिफ्रायनो मोन 7 फालांगियारि लामाजों दरनैबो हा खोन्दोनि गेजेराव हाथायमेलानि राहाया सोलिगासिनो दं। सावरायनाय समाव आसाम-भुटान सिमना फालांगियारि लुफुंथायखौ गोखौं खालामनायजों लोगोसे भुटाननि फालांगिफोरनि दिमान्ड बायदिदयै दरनैबो हा खोन्दोनि गेजेराव बेफार-फालांगिखौ बांहोनायनि फार्से नोजोर होनानै उफ्रा लामानि राहा खालामनायनि थाखाय राइज्यो सरकार आबु हेफाजाब होगोन होन्नानै गिबि मन्थ्रि खोथा होयो। बेनि अनगायैबो आसाम माला बिथांखिनि सिडव कक्राझार आरो गेलेफुनि गेजेराव लामा फोनांजाब राहाखौ गोखौंसिन खालामनायनि बिथिडव राहा लानायनि सोमोन्दैबो गिबि मन्थ्रिआ फोरमायो। भुटाननि गाहाइ मन्थ्रिजों जानाय बे सावराय मेलनि समाव गिबि मन्थ्रिनि प्रिन्सिपाल सेक्रेटारि उ के के द्विबेदिनि अनगायैबो राइज्यो सरकारनि थान्देफोर बाहागो लायो। न'सुंसे हादत भुटाननि दिने 117 थि माहारियारि सान फोर्बो फालिथायाव गिबि मन्थ्रि उ शर्माआ गावनि बिसि रिनिकि भुजाजों बाहागो लायो। थिम्फुनि सालिमेथां गेलेग्रा फोथारनि मोनसे मेहेर गोनां आरो जिउ गोनां आबहावाजों खुंनय बे माहारियारि सानाव बाहागो लानानै गिबि मन्थ्रि उ शर्माआ मोनसे जुनिथा मोन्दाथि मोन्नो हादों होन्नानै फोरमायो। उ शर्माआ बुडोदि, भुटाननि बे माहारियारि सान फालिथायनि समायना आरो गोसो बोक्थावनाय आबहावायाव बाहागो लानो मोन्नाया बिथांखि थाखाय खाफाल गोनां आरो गोग्गाथाव बाथ्रा। माहारियारि सान फालिथायाव बाहागो लानायनि सिगां गिबि मन्थ्रि उ हिमन्त बिश्व शर्मा आरो बिथांनि बिसि रिनिकि भुजा शर्माखौ रयेल सरकार दुंबुदयै बरायो। मख'नो गोनांदि, 1907 माइथायाव भुटाननि गिबिसिन राजा उयेन वांचुकनि राजा जानायनो गोसोखांथियाव बे माहारियारि सानखौ फालिनाय जायो। बे जारिमिनारि जाथाया भुटानाव वांचुक फोलेरखौ जागायजेनहोदोंमोन आरो दिनेसिमबो बे फोलेर भुटाननि खुंथायनि बिबानखौ रनुनबोदों। भुटाननि माहारियारि सान फालिथायनि गेजेरजों हादतनि धोनि जारिमिन आरो हारिमुवारि दोरोड रिफिखांबोदों। भुटाननि सिगांनि हौवाफोरनि गिदिरि बाउसोमनायखौ गोसोखांथिनायजों लोगोसे हादतनि गोजोन-खोसेथि, सुखु आरो रंजानायनि फार्से हादतनि नोगोरसिफोरनि बिबानखौ गोखौं खालामनायनि थांखिजों बोसोरफोमबो बे सानखौ फालिनाय जादों। माहारियारि सान फालिथाय हाबाफारियाव बाहागो लानायनि उनाव गिबि मन्थ्रिआ गावनि बिसिजों भुटाननि गाहाइ मन्थ्रि सेरि टाबेनि न'याव खुंनय सानजौफुनि जाग्रा आदार जाहैयो। गिबि मन्थ्रिआ गावनि बिसिजों थिम्फुनि कुयेनराइ सावराय न'ब्लाडव खुंनय भगवान गौतम बुद्धनि मुसुखायाव आलारि बाधि फोजौनानै सिबिहैयो।

## कक्राझार फाहामथाय फरायसालिमा आरो देहा फाहामसालियाव डायलेसिस मिरु बेखेवदों

फाहामथाय फरायसालिमानि सुलुड फोरमायदों। दिने कक्राझार फाहामथाय फरायसालिमा आरो देहा फाहामसालियाव डायलेसिस मिरु बेखेवनानै मन्थ्रि उर्खाव गोर ब्रह्मआ खौरां बिजोनि सिगाडव कक्राझारआव डायलेसिस मिरु गैयैनि थाखाय सिगाडव बेरामिफोर गोबां जेनाजों मोगा-मोगि जानांदमोन आरो फाहामथायनि थाखाय जिल्लानि बायजोयाव थानो गोनां जादों होन्नानै फोरमायो। दानिया बे जेंनाया सुसांजाबाय आरो बेरामिफोर रेहाय मोनगोन होन्ना फोरमायनानै आथिखालाव किडनीनि जेंना गोां बेरामिनि अन्जिमाया सानफ्रोमबो बांदों। बेनिखानुनो मोनसे डायलेसिस मिरुनि गोनांथा दमोन होन्नानै बिथाड फिन रायखांफिनो। बिथाड दासान्दि कक्राझार फाहामथाय फरायसालिमायाव बेरामिनि अन्जिमाया सानफा एफा बांबोनो हमदों होन्ना फोरमायनानै बिथाड बेयो मोजां लैशोन होन्ना फोरमायो। जर'खायै गाइड लाइन बायदिदयै बेरामिनि अन्जिमाया सानसेयाव जेसेबां जानो नांगो बेनिखुइ बांदों होन्ना मख'नानै बिथाड बेरामिफोरनि फोथायनाया बांदों होन्नानै बुडो।

## चिरांआव रोंगौथि गोनां फरायसाफोरनो साइकेल, स्कुटि आरो नोगोद रां बान्था रान्दों

फरायसालिफोराव गोरलैयै सौहैनायाव मदद होनाय। गुबुन फारसेथिं प्रज्ञान भारती बिथांखिनि सिडव उ बानीकान्त काकती मेरिट बान्थानि बाहागो महरै गोजौसिन गेजेरारि आन्जादआव सेधि थाखोआव उथ्रिसारनो हानाय हिन्जावसा फरायसा आरो 75 जौखोन्दो एबा बेनि बांसिन नम्बर मोननो हानाय हौवासा फरायसाफोरनो गं 580 स्कुटि रानाय जायो। बे राहानि गेजेरजों फरायसाफोरनि थाखाय थालाय-फैलायखौ गोरलै खालामनायनि अनगायैबो फरायसाफोरनो थुलुंगाबो होगोन होन्ना मिजिं थिनाय जादों। हाबाफारियाव मन्थ्रि उर्खाव गोर ब्रह्मआ फरायसाफोरनि जाफुंसारनायाव गोजौन्नाय फोरमायो आरो फरायसाफोरनि जाफुंसारनायाव मदद होबाय थानो थाखाय फोरोंगिरि, बिमा-बिफा आरो गासै सोलेंथाय फरसंथानफोरखौ खवलायो। बेनि अनगायैबो लाइमोनफोरनो फालांगि बिथिडव गोहो होनाय आरो गावखौ गसंथाहोनो गोहो हांहोनाय थांखिजों आत्मनिभर आसाम अभियान बिथांखिखौ मख'यो बिथाड। एमएलए अजय कुमार रायआ बेफोरबायदि बिथांखिफोरखौ मावफुंनयाव गिबि मन्थ्रि आरो सोलेंथाय मन्थ्रिनि नोजोर आरो नाजानायनि थाखाय साबायख'र बाउबो आरो फरायसाफोरनो बेफोर खाबुफोरनो गोजौं इयुनि थाखाय बाहायनो खवलायो। जिल्ला कमिसनार जतिन बराया फरायसाफोरनि जौगालु बिथांखिफोरनि गोनांथिखौ मख'नानै फरायसाफोरनि गोजौं इयुन सोरजिनायाव गोनांथार होन्ना फोरमायो। बे हाबाफारियाव सिदली बिधान सभा बियाबनि आयेन आफादनि सोद्रोमा निर्मल कुमार ब्रह्म, मावफुं सोद्रोमा धनन्जय बसुमतारि, साइक बसुमतारी, एमचिएलए प्रदिप कुमार बायन, चिरांनि एडिसि फिदुस आलम शेख आरो फरायसालि नायदिगिरि बिजय बैण्णबआ बाहागो लादोंमोनि।

## कक्राझारनि खुतामारियाव 26थि बोसोरारि आजिमुश्वानि गेदेत धोरोमारि मेल खुंदों

जमियत उलेमानि आफादगिरि आरो बारस' एमपि मौलाना बदरुद्दिन आजमलआ होदों। दिने कक्राझार सहरनि साखाथियाव थानाय खुतामारियाव माद्रासा इस्लामीया इस्सा-आटुल उलुम, खुतामारिनि बान्जायनायाव खुंनय 26थि बोसोरारि धोरोमारि मेलाव बाहागो लानानै आसाम राइज्यो जिमियत उलेमानि आफादगिरि आरो बारस' एमपि मौलाना बदरुद्दिन आजमलआ खौरां बिजोनि सिगाडव बेबादि बिबुंथिखौ लाखिदों। बिथाड बुदोदि, 1919 माइथायाव आरो गायसन्नायनाय जमियतआ हादत उदांखिनि थाखाय दावहा नांदोंमोन। जमियतआ समाज सिबिथाय होनायनि अनगायैबो सोलेंथायनि गेजेरजों समाजखौ सिगांलौहोनो नाजालांबाय थादों। गात्रि खामानिनिफ्राय बयखौबो जानगराव थानो खवलायनानै बदरुद्दिन आजमलआ बुंदोदि, मुसलमान सुबुंफोर मुसलमाननिल'सान्नो नाड। हादतनि गुबुन गुबुन बिदा-बिनानावनि थाखायबो मोजां सानांगो। जमियतआ बयनिबो मोजांनि थाखाय खामानि मावबोदों आरो एनआरसि, डि भयर जेंनाखौ सुफुंनयनि थाखायबो खामानि मावबोदों होन्ना बदरुद्दिन आजमलआ बिबुंथि लाखिदों। फारसेथिं धोरोमारि मेलाव एबिएमसुनि आफादगिरि टाइसन हुसेनआबो बाहागो लाफेनानै बुदोदि, दिनेनि धोरोमारि मेलाव इस्लाम धोरोमनि फोसावदिनाय आरो फोसावथायनि सोमोन्दै सावरायलायो। धोरोमारि मेलाव समाजनि खोमसि फोथायनाय, समाजआरि नडे खामानि, दायनिगिरि खामानि-दामानिफोरनि सोमोन्दै बिबुंथि लाखिदों। मख'नो गोनांदि, माद्रासा इस्लामीया इसा-आटुल उलुम, खुतामारियाव खुंनय धोरोमारि मेलाव रोजा-रोजा इस्लाम धोरोमारिनि सुबुंफोर बाहागो लाफेदों। धोरोमारि मेलाव दुलाराय भारतआरि जमियत उलेमा हिन्दनि गाहाइ नेहाथारि हजरत मौलाना, हाकिम उद्दिन कासिमो, आसाम राइज्यो जमियत उलेमानि आफादगिरि मौलाना बदरुद्दिन आजमल, गाहाइ नेहाथारि हाफिस बुसेरि आहमेद, एबिएमसुनि आफादगिरि तायसन हुसेन, गाहाइ नेहाथारि जायदुल इस्लाम, गाहाइ बुंथिगिरि महरै हाफिस मौलाना, नुर आहमेदमोनजों लोगोसे माखासे जर'खा सुबुंफोर बाहागो लाफेदों। गेदेत धोरोमारि मेलाव हाबाफारि बायदिदयै दिने फुंनि 8 रिंगायाव फिन्फिला बिरहोनाय, 9 रिंगायाव साखो-सिखोन हाबाफारि, 9:30 रिंगायाव बिफां फुलि गायनाय, 10 रिंगायाव जिल्ला थाखोनि जथुम आरो बेलासिनि 2:30 रिंगायाव खराम आरो 3:30 रिंगायाव केरायेट बादायलायनाय खुंदों।

## सालबारिआव भलिबल रेफारि आन्जादनि फिथाइ फोसावदों

24 आरो 27 डिसेम्बरखालि खुंनय लिंरथि आन्जाद आरो अरेल आन्जादाव जिगयनाय बिजाथिफोर बाहागो लायो। बे हाबाफारियाव आसाम भलिबल आफादनि रेफारि बर्डनि सेक्रेटारि धनजित दास, माहारियारि भलिबल रेफारि आर के सिमांसा, सुनिल गस्वामी, बड'लेण्ड गेलेमु आफादनि लेडइ आफादगिरि मुकुल चन्द्र बर'जों लोगोसे जिल्लानि बिबानगिरिफोर बाहागो लायो।

( 1 बिलाइनिफ्राय )

## 16थि मुंख्लं फोर्दाना दैमारि गोसोखां बान्थाखौ उ फनिन्द्र गयारिनो होनो थाखाय फोसावबाय

पानेरि ओन्सोल सोमलिगुरि गामिनि थागिबि मुंख्लं फोर्दाना दैमारिनि बर' हारिनि थाखाय होलानाय बिहोमानि सायाव मान होन्नानै थानाय गोलाव समनिफ्रायनो उदालगुरि जिल्ला दुलाराय बर' फरायसा आफाद आरो मुंख्लं फोर्दाना ट्रास्ट जुथायै जिल्ला आफादनि मोन 22 दरख'रा आफादनि सिडव थानाय बर'नि राव, थुनलाइ, हारिसु, गेलेमु, आबाद, सोलेंथाइ बायदि बिथिडव बर' हारिनि जानानै बिहोमा होलानाय सुबुंफोरखौ सायख'नायनि गेजेरजों 2009 माइथायनिफ्राय जिल्ला आफादनि बोसोरसालिया जथुम्याजों लोब्बा लाखिनानै मुंख्लं फोर्दाना दैमारि गोसोखां बान्थाखौ होबोबाय थानाय जादों। बेबायदिनो उदालगुरि जिल्ला दुलाराय बर' फरायसा आफादनि खुंगा 50थि बोसोरसालिया जथुम्याया सोलिफु दाननि 18,19 आरो 20 खालाराव सानथामनि हाबाफारिजों जिल्ला आफादनि सिडव थानाय नोलोबारि दरख'रा दुलाराइ बर' फरायसा आफादनि लाल बाहादुर सास्त्रि गोजौ फरायसालिनि गेवलां गेलेग्रा फोथाराव खुंनय थानासिनो दं। बे हाबाफारियावनो देरलायनि 16थि मुंख्लं फोर्दाना दैमारि गोसोखां बान्थाखौ उदालगुरि जिल्ला नोलोबारि ओन्सोल गामि आहमाखा, ला:सो माजखुटि बिफा रंसारि कृष्ण कान्त गयारि आरो बिमा मुश्रीमा दाबाति गयारिनि फिसाल्ना हाइदराबाद चेन्ट्रेल इडनिभारसिदिनि इक'नमि बिफानआव खामानि माननाय प्रफेसार उ फनिन्द्र गयारिनो होनो थाखाय थांखि लानायखौ दिने मोनसे खौरांगिरि मेलनि गेजेरजों फोसावनानै होयो उदालगुरि जिल्ला दुलाराय बर' फरायसा आफाद आरो मुंख्लं फोर्दाना ट्रास्टआ। उ फनिन्द्र गयारिआ गावनि बिमा रावनि बर' बिजोंजों फरायनानै 1996 माइथायाव गुवाहाटी मुलुग सोलेंसालिनिफ्राय रांखान्थि आयदायाव एम ए डिग्री फोजोबखानानै बे आयदायावो इन्द्रीया गान्धि इन्स्टिटुट अफ डेभेलपमेन्ट रिसार्चनिफ्राय एम फिल खालामो आरो हाइड्राबाद मिरु सोलेंसालिनिफ्राय पिइस डि. खालामो। बेनि अनगायैबो इडजिसि रमान फेलसिफ एन्ड परस्ट डक्टरेट रिसार्च वार्कखौ 2016 - 17 टेक्सेस खुद्रियाव इडनिभारसिदि इडएसनिफ्राय फोजोबनानै जौसिन सोलेंथाइ लानाय उदालगुरिनाडे मोनसे गोजौन्थाय खौरां लानानै फेदों। बिथांनि बेबायदि बर' हारिनि राव, थुनलाइ, हारिसु सोलेंथाइ समाज जौगाथायनि थाखाय जिल्लाजों लोगोसे दुलाराय बर' हारिनि सासे गावखौनो सुबुं सम्पद महरै सिनायथि होबोनो हानायनि थाखाय बिथांनो देरलायनि बे 16 थि मुंख्लं फोर्दाना दैमारि गोसोखां बान्थाखौ 20 डिसेम्बर खालाराव बाउहरनो थाखाय थिरांथा लानाय जादों होन्ना खौरां मेलनि गेजेरजों मिबिथि होनाय जायो। दिनेनि बे खौरांगिरि मेल हाबाफारियाव उदालगुरि जिल्ला दुलाराय बर' फरायसा आफादनि लोगो आफादगिरि धरनि बर', बुंथिगिरि रहित बर', पानेरि दरख'रा दुलाराइ बर' थुनलाइ बेंखनआव दाजानाय मुंख्लं फोर्दाना ट्रास्टनि मासिगिरि बुदिराम बर', लिंथुमगिरि बिनुद दैमारि आरो उदालगुरि जिल्ला दुलाराय बर' फरायसा आफादनि बिबानगिरिफोरबो हाबाफारियाव बाहागो लानायखौ नुनो मोनो।

## तामुलपुर जिल्ला एबसुनि 2थि बोसोरसालिया जथुम्या आरो दरख'रा एबसुनि 37थि बोसोरसालिया जथुम्या खुंफुंनो साखा-फारा

दाननि फेंगौ 19, 20 आरो 21 खालारआव सानथामनि हाबाफरिजों तामुलपुर जिल्लानि बेन्दोंआव थानाय सिखना बर' गोजौ फरायसालिनि गेलेग्रा फोथाराव गाजा-गोमजायै खुंनो साखा-फारा खालामादों। तामुलपुर जिल्ला एबसु आरो दरख'रा एबसुनि बे बोसोरसालिया जथुमाखौ गाजा-गोमजायै खुंनो थाखाय बे खामानि माननायफोरा 95 जौखोन्दो जोबलांबाय आरो थि सभ बायदिदयैनो मावफुंजोबनो हासिगोन होन्ना बान्जाय आफादनि गाहाइ लिंथुमगिरि बानेस्वर बर'आ फोरमायथिदों। मख'नो गोनांदि, तामुलपुर जिल्ला एबसुनि 2थि बोसोरसालिया जथुम्याआ थारैनो जोबोद मेहेरगोनो जागोन। बेवहाय सोलेंथाइ, आइजोफोरनि जिउ खुंनय राहा आरो आबादरि बिथिंखौ लानानै गुवारै सावरायनायजों लोगोसेनो बायदि रोखोमनि हाबाफारिजों गाजा-गोमजायै खुंफुंनय जागोन। फेंगौ 21 खालारआव तामुलपुर जिल्ला एबसुनि आफादगिरि बानेस्वर नाजरीरिनि आफाद सामलायगोन गेवलां मेलआव गाहाइ आलासि महरै मिरु एबसुनि आफादगिरि दिपेन बर', मेलनि बेखेवगिरि महरै बिटिआरनि गाहाइ मावफुं सोद्रोमा प्रमद बर', बर' थुनलाइ आफादनि गाहाइ नेहाथारि निलकान्त गयारि, तामुलपुर बियाबनि एम एल ए जलेन दैमारि, बिथांमोनजों लोगोसेनो गोबां आलासिफोरा बाहागो लागोन होन्ना बान्जाय आफादनि गाहाइ लिंथुमगिरि बानेस्वर बर'आ मिबिथिहोयो। बेजों लोगोसेनो साफ्रोमबो बर' फिसाफोरखौनो राव, हारि, धोरोम बासियाजासे एबसुनि बे हाबाफारिआव बाहागो लाना हाबाफारिखौ जाफुंसार खालामनो हांखायदों।

## उदालगुरियाव इडिआइआइनि बान्जायनायाव उद्यग खालामनायनि सायाव मावबादा खुंदों

गुवाहाटीनि आन्सलिक मावखुलिनि बान्जायनायाव आसामनि गुबुन गुबुन जायगायाव रोंगौथि जौगाखां होनायनि बायदि फोरोंथाय होबोबाय थानाय जादों। सोलेंथाय लानायनि उनाव सेंग्रा-सिख्लाफोरखौ फिसा उद्यग खालामनायखौ जागायजेनयानि सायाव गोनांथि होन्नानै बेंकनिफ्राय लन, मेसिन बायदिफोरखौ गथायनानै हेफाजाब होनाय जायो। लोगोसेनो एमएएसएमइनि सिडव सरकारि गुबुन गुबुन बिथांखि मोन्नायाव हेफाजाब होन्नानै उद्यग गायसन्नायजों लोगोसे दिहुन्नाय मुवा-बेसादखौ हाथायाव जायगा मोनहोनाय आरो फोनांजाब होनाय जायो। बेनि उनावनो फुंखा सुबुं महरै बाहागो लाफेनानै आसाम स्किल डेभेलपमेन्ट मिसन उदालगुरिनि डिपिएम फारुक आहमेदआ सेंग्रा-सिख्लाफोरनो रोंगौथि जोगाखांहोनायनि गुबुन गुबुन फोरोंथाय आरो बिथांखिफोरनि सोमोन्दै फोरमायना होयो। बिथाड जर'खायै इडिआइआइजों लोगोसे भारत आरो आसाम सरकारजों उद्यगआरि खालामनाय आरो गाव गसंथाहोनायजों लोगोसे लोब्बा गोनां बिथांखिफोरनि सायाव बयनोबो गुवारै फोरमायथिना होयो। फारसेथिं, भारत सरकारनि सिडव थानाय नेहरु लाइमोन मिरु, उदालगुरिनि डिपुटि डिरेक्टर शेखर देबआ सेंग्रा-सिख्लाफोरखौ माइ भारत पटेलआव रंजिस्ट्रेसन खालामनानै माहारियारि लाइमोन नेटवार्कआव थिसनफानो खवलायो। फरायसालिनि गोरायु देबिडसन दैमारिआ सेंग्रा-सिख्लाफोरखौ सोलेंथायजों लोगोसे गाव गावसिनि मोजां मोन्नाय रोंगौथिखौ जौगाखांनयजों लोगोसे रोंगौथिखौ आजानवा लानायनि थाखायबो बोसोन होयो। गुबुन फारसे बेनि उनावनो धनसिरियाव सा 30 सेंग्रा-सिख्लाफोरनि गेजेराव डेभेलपमेन्टनि थाखाय सानभारि हाबाफारिजों फोरोंथाय मावबादाखौ बेखेवनाय जादों। एमआरएसडि एनजिअनि लेडइ आफादगिरि उ मेघराज उपाध्याय इडिआइआइनि बे फोरोंथाय बादानि गेजेरजों सोलेंथाय, गोदान दिहुन्थाय, स्टर्टआप बायदि नेमखान्थिजों लोगोसे रल'बेल इन्टरप्रेनारसिप मनिटर बायदिनि गेजेरजों उद्यग खालामनायाव माबोरै सेंग्रा-सिख्लाफोरनो हेफाजाब होबोदों बेनि सोमोन्दै बिबुंथि लाखिथै। हाबाफारियाव उ मिलन दासजों लोगोसे डिप्लएसनि उखिल मणिककन बर' आरो देबजित राभामोहन बाहागो लाफेदों।



# गाहाम देहानि राहा

## खिजुरा सावस्त्रिनि थाखाय सोमोनांथाव मुलाम्फा होयो



गोजां बोथोराव सावस्त्रिनि बागें सांग्रांथि गैयाब्ला नोंथाड लोमजानो हागौ। बे बोथोराव गावखौ सावस्त्रि आरो फिट लाखिनो थाखाय आदाराव खिजुरखौ सोफादेरनांगौ। बे गोरान फिथाइखौ गोजां बोथोरनि फिथाइ बुंनय जायो, मानोना बेयाव कार्बहाइड्रेट, प्रटीन, के लसियाम, पटेशियम, आयरन, मेगनेसियाम, फस्फरास बायदि निउट्रियेन्टफोर थायो। बेखौ जानाया थैखौ बांहोयो लोगोसे बिखा आरो मेलेमखौबो गोहो होयो। गाहायाव होनाय

सावस्त्रिखौबो रैखा खालामो। 3.गोहोजां बुंफबनाय: खिजुरा देहायाव सोमोनांथाव गोहो हायो। बेवहाय गोबां बिबांनि मिथिंगायारि सुगारफोर जेरै ग्लुकज, सुक्रज थायो। जुदि नोंथाड गायखेरजों खिजुरा जायोब्ला बेयो नोंथांनि थाखाय जोबोद मुलाम्फा गोनां जागोन। 4.गोर्बो आव थानाय आइजोफोरनि थाखाय मुलाम्फा गोनां: खिजुरा गोर्बो आव थानाय आइजोफोरखौ गोबां रोखोमनि जेनाफोरनिफ्राय रैखा मोनहोयो। बेयो थै गनायखौ बाडइ खालामो। 5.लिरथाइखौ खमाययो: जुदि नोंथाड लिरथाय बारायनायजों जेनायाव गोग्लैयोब्ला खिजुरा जानांगौ। मानोना बेयाव थानाय गुदिमुवाफोरा। लिरथाय बांहोनायाव हेफाजाब होयो। खिजुरा फुडव उदै खालि समाव जानांगौ आरो बेयो सानसे गोहो गोनां खालामगोन।

# 'पाताल लोक' सिरिजनि नैथि सिजनआ थाबैनो फैसिगोन

प्राइम भिडिअयाव 2020 माइथायाव रिलिज खालामजानाय सिरिज 'पाताल लोक' खौ नायगिरिफोरा जोबोद मोजां मोन्दोमोन। बेनि सल, टुइस्ट एन्ड टर्न्सखौ नायनानै अडियेन्सफोरा नायगोमोदोमोन। सिरिजआव जयदिप अहलावत आरो अभिषेक बेनार्जी बायदि फावगिरिफोरा बेवहाय खामानि मावदोमोन। अदेबानि, 4 बोसोर उनाव स्व 'नि नैथि सिजनखौ फोसावबाय, जायखौ खोनानानै अन्सायगिरिफोरा जोबोद एक्साइटेड जादों। मेकासफोरा स्व 'खौ एनाउन्समेन्ट खालामनानै मोनसे पस्टर शेयार खालामदोमोन जेराव जयदिप अहलावतखौ हाथिरामनि गोदान फावआव नुनो मोन्दोमोन।



बबेखानि नायगिरिफोरनि एक्साइटेडखौ बांहोनायजों लोगोसे प्राइम भिडिअया 'सिजन 2' नि गिबि नुथाइखौ शेयार खालामबाय, जाय सशेल मिडियाआव जोबोद भाइरेल जागासिनो दड। प्रमआव नुनो मोन्नो हागौदि, माखासे

मेकासफोरा नायगिरिफोरनो मोनसे हिन्डो होदो। अदेबानि भिडिअनि जागायनायाव हाथिरामनि आखायाव XV, XII, XCVII लिस्नाय थायो, जाय सुबुंफोरनि एक्साइटेडखौ बांहोनायनि खामानि मावगासिनो दं। प्राइम भिडिअ इन्डियाआ बावैसो सिगां स्वनि गिबि पस्टरखौ फोसावदोमोन। पस्टनि केप्सनआव लिरनाय दंमोनदि, थाबैनो नरकनि दरजाया गेवसिगोन। बोथोरा सोलायसिगोन। सिगां आव पाताल लक दं। सांग्राडे थानायखौ एडभाइस होनाय जायो। प्राइम भिडिअया पाताल लकनि गोदान सिजनआ थाबैनो फैगासिनो दं।

## फावखुंगुर जन आब्राहमआ गावनि 52थि जोनोम सान फालिदों

दिनें जों नोंथांमोनोने इन्डास्ट्रीनि सासे सुपारस्टरजों मोगा-मोगि जाहोने सान्दों, जाय गावनि एक्टिजों लोगोसे गावनि फिजिक्सजोंबो अन्सायगिरिफोरखौ जोबोद इम्प्रेस खालामदोंमोन।



आइजोफोरा बिथानि थाखाय बोदोर जायोमोन। बिथाडा गावनि केरियारआव माखासे सावथुनफोरव खामानि मावदों। नाथाय बिथाडा मोनसे मसजोंबो मोगा-मोगि जानांदों, जेब्ला बिथानि सावथुनफोरा लाश्रियै फ्लप जाबाय थादोंमोन। नाथाय बिथाडा माब्लाबाबो उन जानानै थायाखै। जायनि उनाव बिथानाव मोनसे एरैबायदि सावथुना आखायाव फैदों, जाय बिथानि खाफालखौ फिन गोजों खालामदोंमोन। बे फावखुंगुरआ गावनि के रियारखौ 2003 माइथायाव जागायदोंमोन। गावनि 21 बोसोरनि केरियारआव बिथाड 50 निखुइ बांसिन सावथुनफोरव खामानि मावदों। दिनेंसिमबो बिथानि अन्सायगिरिफोरा बिथानि एक्टिजों लोगोसेनो बिथानि बडि आरो फिजिक्सनि बोदोर जायो। बेवहाय जों 1972 माइथायनि 17 डिसेम्बरखालि मुम्बाइयाव जोनोम मोनाय जन

## जाकिर हुसैनआ जिउनि जोबथा दावबायनायावबो गावनि बिसिजों थाफानो हास्थायोमोन

भारतनि बयनिखुइबो मुंदांखा मिडिजिसियानफोरनि मादाव सासे 73 बोसोर बैसोनि जाकिर हुसैनआ समबारखालि (16 डिसेम्बर) फुंआव आमेरिकानि सेन फ्रान्सिस्कनि मोनसे देहा फाहामसालियाव जिउ गोमायो। खमेबो 7 बोसोर बैसोयाव जाकिर हुसैनआ गावनि गिबि संगित प्रग्रामखौ खालामदोंमोन आरो 60 बोसोरनिखुइबो बांसिन समसिम गावनि समायना रोंग 'थिखौ एबा गोहोजां नायगिरिफोरखौ मुहनि नांहोवाय थादों। बेनि जाहोनावबो जाकिर हुसैनआ जौसांआव थानायनि सिगां गिनाय फेयोमोन आरो



हाबाफारनि जाफुंसारनायनि थाखाय बिथांआ गावनि 'खाफाल' खौ साबायखर होयोमोन। बिथानि जिउ गोमानाया संगितनि मुलुगआव मोनसे दुखुनि फाखन बायदि फैदों आरो बिथानि अनसाइगिरिफोरा बिथानि बुहुम नागराना थानायखौ दासिमबो फोथायनो हायाखै। बबेखानि जाकिर हुसैनआथ 'दा गैलिया नाथाय जों नोंथांमोन्नो बिथानि जोबथा लुबैनयनि सोमोन्दै मिबथि होनो नागिरदों, जायखौ खोनायोब्ला नोंथांमोननि मेगनाव मोदें बोहैनो हागौ। माखासे रिपटफोरव दाबि दिखानाय जादोंदि, जाकिर हुसैनखौ बुधवार एबा 18 डिसेम्बरखालि सेन फ्रान्सिस्कआव फबनाय जागोन। बिथानि फंबाय फजल कुरेशिआ भारतनिफ्राय आमेरिकायाव थांबाय आरो बिनानाव खुशुदआबो लन्डननिफ्राय आमेरिका फारसे दावबायबाय। मिडिया रिपटफोरव मिबथि होनाय जादोंदि, जाकिरआ सानसेखालि गावनि बिसि भिन्नेकलाखौ बुंदोंमोनदि, बिथाड जेब्लाबो बिथानि लोगोसे थानो लुबैयो आरो थैनायनि उनावबो बिथानिजोंनो थागोन। बेनि जाहोनावनो बिथानिआ गावखौ आमेरिकायावनो फबजानो लुबैनयखौ फोरमायदोंमोन।

## 'कृष 4' सावथुनखौ बानायगोनआ रोखा जाबाय



राके श रशननि सुपारहिर फ्रेंन्वाइजि कृषनि मोन्थाम जाफुंसारनाय सावथुनफोरनि उनाव दा ब्रैथि सावथुना नुजाथिगोन। थानाय 11 बोसोरनिफ्राय 'कृष 4' सावथुनखौ नेनानै दडमोन। 'कृष 4' बानायगोनआ फाइनाल जाबाय आरो मोन्थाम सावथुनफोर बायदिनो सुपारहिरआबो ऋतिक रशनआबो जागोन, नाथाय हिरेडनआ सोर जागोन बेनि सायाव सास्पेन्स जानानै दड। नाथाय दा हिरेडननि


सायावबो सावरायनाया जागायबाय। कृषआ 2003 माइथायाव फैनय सावथुन 'कोइ मिल गया' नि सिक्वेल, जेराव ऋतिक रशनजों लोगोसे प्रिति जिन्ताया लिड रलआव फाव खालामदोंमोन। 2006 माइथायाव कृष सावथुना नुजाथिदोंमोन, जेराव ऋतिक रशनआ सुपारहिर जानानै गोसारनो हादोंमोन। बेवहाय प्रियंका चप्राआ हिरेडन जादोंमोन। 7 बोसोर उनाव कृष 3 सावथुना नुजाथियो आरो बेवहाय

जायोदि, कृष 4 सावथुनआव बलिउडनि स्त्री एबा श्रद्धा कापुरखौ नुनो मोनगोन। बे खौरांआ फावखुंग्रिनि मोनसे फिनजाथाइनि उनाव जागायदों। अदेबानि, रेडितआव श्रद्धा कापुरनि मोनसे इन्टरभिउनि भिडिअया सोरांआव फैदों। बे क्लिपआव जेब्ला फावखुंग्रिनाव सॉलु सॉनाय जादोंमोनदि, बिथानि फैनो गोनां सावथुना माब्ला फैगोन अब्ला बिथांआ बुंदोंमोनदि, बेखौ फैगौ बोसोरनि जानुवारीयाव गावनि फैनो गोनां सावथुननि सोमोन्दै मिबथिहोगोन। मिबथिहोनाय जायोदि, राके श रशनआबो बावैसो मोनसे इन्टरभिउआव बुंदोंमोनदि, 'कृष 4' सावथुननि एनाउन्समेन्टखौ 2025 नि जानुवारीयाव खालामगोन। दासिमबो फावखुंग्रि एबा मेकासनि फारसेनिफ्राय जेबो अफिसियेल एनाउन्समेन्ट जायाखै।

आब्राहमनि बाथा सावरायगासिनो दड। बिथाड दिनें गावनि 52 थि जोनोम सान फालिदों। 2003 आव 'जिस्म' सावथुननिफ्राय गावनि केरियारखौ जागायनाय जनआ धुम, वाटर, दोस्ताना, रेस 2, शुटआउट एट वडाला आरो पाठान बायदि सावथुनफोरव गावनि एक्टिजों नायगिरिफोरखौ जोबोद इम्प्रेस खालामदोंमोन। जनआ गिदिर पर्दायाव हिर 'निफ्राय लानानै भिलेनसिम माखासे बिफाव होदोंमोन आरो जेब्लाबो अन्सायगिरिफोरखौ गोमो होदों। 2005 आव 'गरम मसाला' सावथुना हिट जानायनि उनाव बिथानि गोबां सावथुनफोरा फ्लप जानो हमदोंमोन। 2006 निफ्राय लानानै 2008 सिम बिथानि सावथुना मोनसेनि उनाव मोनसे फ्लप जादोंमोन।

## सनाक्षि सिन्हाया मुकेश खान्नानि सायाव फिनजाथाइ होदों

रामायणजों लोब्बा थानाय मोनसे सॉलुनि फिननाय होनो हायैआव सनाक्षि सिन्हाया गोबां खेव टूल्स खालामजादों। शक्तिमाननि स्टार मुकेश खान्नायाबो बिथानि सायाव नोजोर होदों। बावैसो सिगां बिथांआ फिन खनसेबाव सनाक्षि सिन्हानि रामायणनि गियान गैथेनि सायाव बखिदों आरो बेनि दायखौ बिथानि बिफा शत्रधन सिन्हानो होदों, जायखौ फवखुंग्रिया सहायनो हायाखै आरो बिथांआ फावखुंगुरखौ गाज्रिये खोनासंहोदों। अदेबानि 'केबिसि 11' नि स्टेजआव सनाक्षि सिन्हाया सासे कन्टेन्टेन्डजों लोगोसे फैफादोंमोन, जेराव अमिताभ बच्चनआ बिथानाव रामायणजों लोब्बा थानाय सोंथि खालामदोंमोन। सनाक्षिनाव सोंथि खालामनाय जादोंमोनदि, हनुमानआ सोरनि थाखाय सनजिभनि हाव लानानै



फैयामोन? बे गोरलै सोंथिनि फिननायनि थाखाय फावखुंग्रिया लाइफलाइनि हेफाजाब लानो गोनां जादोंमोन, जाय अमिताभ बच्चनखौबो गोमो होदोंमोन। फिन खनसेबाव मुकेश खान्नाया बे आयदाखौनो बोखानानै सनाक्षिखौ सोंखारिदों आरो बुडोदि, बेवहाय बिथानि बिफानिनो गोरोंथि, जायखौ



सनाक्षिआ सहायनो हायाखै। सनाक्षि सिन्हाया मुकेश खान्नाखौ गावनि बिफानि सायाव खोनासंहोनायनि थाखाय गोखों फिनजाथाइ होदों। इन्स्टाग्राम स्टरिआव फावखुंग्रिया लिरोदि, मानगोनाने श्रि मुकेश खान्नाजी आं बावैसो सिगां नोंथांनि मोनसे फिनजाथाय होनायखौ फरायदों, जेराव नोंथाड बुंदोंमोनदि, बेयो आंनि बिफानि गोरोंथि, जे आं माखासे बोसोर सिगां मोनसे स्वआव रामायणनि सोमोन्दै सोंथि खालामनायाव थारफिननाय होनो हायाखैमोन। गिबियावनो आं नोंथांखौ गोसो खांहोनि जे बै सानाव हट सिटआव सानै आइजोफोरोबो दडमोन, जायफोर बे सोंथिनि फिननायखौ होनो

## धर्मेन्द्रआ गावनि फार्म हाउसनि मोनसे भिडिअ शेयार खालामदों

फुंनिफ्राय जुदि मोजाडै सानखौ जागायनो सान्दोब्ला एबा मुडआ मानिबा जाहोनाव हेभि जादोंब्ला आरो इसे लाइट खालामनोब्ला धरम पाजिनि बे भिडिअखौ नायनो हागोन। 17 डिसेम्बर फुंनि समाव बिथाडा गावनि फार्मनिफ्राय मोनसे समाइना भिडिअ शेयार खालामदों, जायखौ नायोब्ला जोबोर गोजेन्नाय मोनगोन। बिथाड भिडिअआव दिन्थिदोंदि, गावनि फार्मनि माखासे सानाजानाय फाउल दावफोरखौ दिन्थिदों, जायफोर मर्नि वाकनि थाखाय ओंखार बोदोंमोन आरो बिसोरजों लोगोसे फिसाफोरबो ज 'ज' बेरायफादोंमोन। भिडिअजों लोगोसे धर्मेन्द्रआ केप्सनआव लिरोदि, लोगोफोर बे जोनोम जागोदान गथ 'फोरखौ माबोरै जोथोन लानांगौ सानगासिनो दड आं। धरम




पाजिआ जेब्ला भिडिअखौ शेयार खालामो अब्ला अन्सायगिरिफोराबो अन्नाय होनायाव उन जाना थायाखै। सासे अन्सायगिरिया लिरो, जोबोद समाइना पाजि, लाभ इउ। गुबुन सासेया लिरोदि, मिबथि होनाय जायोदि, धर्मेन्द्रआ जेब्ला सुटिनिफ्राय फ्रि जायो एबा जायखि जाया प्रजेक्टफोरव नांथाबना थानाड अब्ला गावनि फार्म हाउसआव थाडो। बेयाव बिथानि लाइफ स्टाइलआ मुम्बाइनि विजि लाइफनिखुइ थारैनो आलादा। गोगो आर्गेनिक आदार जानायजों लोगोसे नो आबादाथिलियाव जाय फिजिकेल एक्टिभिटी जायो बेयो मोनसे एक्सरसाइज बायदि जायो। खामानिनि बिथिडाव जुदि नायोब्ला, धर्मेन्द्रखौ शाहिद कापुर आरो कृति सेननि 'तेरी बातों में एसा उलझा झिया' आव नुनो मोन्दोमोन। बेनि सिगां बिथांखौ 'रकि और रानी की प्रेम कहानी' आव रणबि सिंहनि बिबौनि फावआव नुनो मोन्दोमोन।



## भारत आ वर्ल्ड एथलेटिक्स कन्टिनेन्टल टुरखौ बान्जायनो जान्जि खाफ्रादों

गोदान दिल्ली, 17 डिसेम्बर: भारत आ फेगौ बोसोरनि 10 आगस्टखालि उरिष्यानि भुबनेस्वरआव गिबियै वर्ल्ड एथलेटिक्स टुर इभेन्टखौ बान्जायनो जान्जि खाफ्रादों। इन्डियान अपेन मुंनि ब्रन्ज थाखोनि मीटआ एथलेटिक्स फेडरेशन अफ इन्डियानि 2025 बादायलु केलेन्डरनि बाहागो जागोन। जेराव बेयो हादरनि एथलेटिक्स दाथायनि थाखाय मोनसे मख'जाथाव माइल खुन्थिया जागोन। 2020 आब जागायजेन्नाय कन्टिनेन्टल टुरआ मोनसे ट्रेकनि सिरिज आरो फिल्ड इभेन्टफोरनि मोनसे बादायलायनाय इभेन्ट। जेराव बेयो इलाइट डाइमन्ड लीगनि उनाव जायगा मोनो। बेयाव मोनब्रै थाखोफोर फारियै सना, रुफा, ब्रन्ज आरो सेलेन्जार थायो। जेराव टुर्नामेन्टआव एथलीटफोरनो बुहुमनाडारि थाखोआव बादायलायनो मोनसे



जौसां होयो। फेडरेशन अफ इन्डियानि आफादगिरि आदिल सुमारिबालाआ भारतयारि एथलेटफोरनि थाखाय बे इभेन्टखौ जर'खा हाबाफारि फोरमायदों। जेराव बेनि गेजेरजों फेगौ बोसोरनि सेप्टेम्बरआव जानो गोनां वर्ल्ड एथलेटिक्स सेम्पियनसिपनि सिगां बेनि गेजेरजोंनो नख'रारि फोथारआव गेलेगिरिफोरनि सुदायनो खाबु मोनगोनखौ फोरमायो। टर्कियआव फेगौ बोसोर 13-21 सेप्टेम्बरआव खुंजानो गोनां वर्ल्ड एथलेटिक्स सेम्पियनसिप 2025 आ फेगौ बोसोरनि गहाइ

एथलेटिक्स बादायनायनि फारिआव थागोन। जेराव भारतआ 2017 आब जालांनय एसियान एथलेटिक्स सेम्पियसिपआव नख'रारि अन्सायगिरिफोरनि गेजेराव भुबनेस्वरआव दिन्थिफुंनो खाबु मोन्दोंमोन। भारतआव नख'रारि एथलेटिक्सनि सिजनआ फेगौ बोसोराव उत्तर प्रदेशआव नेसनेल क्रस कन्टिन्ट सेम्पियनसिपजों जागायगोन। जायनि अनगायै हारियाना सिनियर नेसनेल फेडरेशन क्पआ 21-24 एप्रिलआव जागोन।

गोदान दिल्ली, 17 डिसेम्बर: सोलिफु बोसोराव भारतआ गेलेमुनि फोथारआव गोदान खुन्थिया गायसनो हादों। जेराव भारतआ क्रिकेटनि अनगायै हकी, शुटि, जेभलिन खुबैनाय आरो चेंसआव हारिमायारि थाखोआव मुंदांखा जादों। 2024 आब भारतआ पेरिस अलिम्पिक आरो पेरालिम्पिकखौ लाफानानै टी-20 वर्ल्ड काप आरो एथलेटिक्सआव डाइमन्ड लीगनि फोथारआव जाफुंसारदों। जेराव भारतआ बे लीगनि फाइनाल आरो आइजोफोरनि हकीआव एसियान सेम्पियन ट्फीआव मुंदांखा जादों। जेराव बावैसो चेंसनि फोथारआवबो भारतआ जाफुंसारनाय मोन्दों। 17 बोसोरनि उनाव भारतआ रहित शर्मानि के प्तेनआव आमेरिका आरो वेस्ट इन्डिजनि जुथायै बान्जायनायाव टी-20 वर्ल्ड कापआवबो बिमुं देरहादों।



2023 नि वन्डे वर्ल्ड कापआव जेन्नायनि उनाव क्रिकेटआव भारतआ सोलिफु बोसोराव जाफुंसारदों। जेराव फाइनालाव खोला आफ्रिका नि हेंथायै देरहानाय थिसन्यायजों टी-20 क्रिकेटनि जारिमिनआव नैथि खेब वर्ल्ड कापनि बिमुं देरहायो। फ्रान्सनि राजथावनि पेरिसआव जालांनय अलिम्पिकआवबो भारतआ मोजाडै दिन्थिफुंनो हादों। अब्लाबो थांनय खेबनि

रुजुनायाव दावख्खायना फेदों। अब्लाबो भारतनिफ्राय जेभलिननि फोथारआव निरज चप्राआ जाफुंसारदों। बिथाड अब्लाबो बे खेबआव सिलभार मेडेलजोंनो गोजोन्नाडो। जेराव मनु भाकरआ शुटिनि फोथारआव गंनै ब्रन्ज मेडेल देरहायो। जायनि फारिआव भारतनि हान्जानिफ्राय शुटिआव गंथाम, एथलेटिक्स, हकी आरो रेसलिंआव गंसेयै मेडेल लाबोयो। पेरालिम्पिकआवबो

भारतआ जारिमिनारि महैरै गासै गं 29 मेडेल लाबोदों। जेराव थांनय खेबनि रुजुनायाव भारतआ सोलिफु बोसोरनि पेरालिम्पिकआव गं 10 बांसिन मेडेल लाबोदों। जायनि फारिआव भारतआ एथलेटिक्सआव गं 17, बेडमिन्टनआव गं 5, शुटिआव गं 5, आसिरिआव गं 5 आरो जुड'आव गंसे मेडेल लाबोदों। बेबादिनो थांनय एप्रिल दानआव जालांनय आसिरि वर्ल्ड

कापआवबो भारतआ गं 15 मेडेल लाबोदों। जायनि फारिआव गं 7 सना, गं 5 सिलभार आरो गंथाम ब्रन्ज मेडेल लाबोदों। बे समाव भारतआ बांसिनै हान्जायारि इभेन्टआव जाफुंसारदों। मख'नाय जायोदि, बावैसो सान सिगां डि गुकेशआवो 18 बोसोर बैसोआवनो चीननि डिं लिरेनखौ फेजेन्नायै वर्ल्ड चेंस सेम्पियनसिपनि बिमुं देरहानाय मुलुगनि लाइमोनसिन चेंस गेलेगिरि जानो हादों। बेबादिनो सोलिफु बोसोरावनो जालांनय आइजोफोरनि एसियान सेम्पियन्स ट्फीआवबो भारतआ गावसोरनि ट्रेकखौ मोजाडै लाखिदों। मानोना बे टुर्नामेन्टआव हान्जाया मोनबो मेचआव जेनालासे ट्फीखौ देरहादों। जेराव फाइनालआव चीनखौ 1-0 गलआव फेजेन्नायै थामथि खेब बे बिमुंखौ भारतआ देरहानो हादों।

## भारतयारि रैनिया हान्जाया केप्टेन जित्तु गगै फुटबल टुर्नामेन्टनि ट्फीखौ बेखेवदों



डिबुगड, 17 डिसेम्बर: भारतयारि रैनिया हान्जाया भिजय दिवस 2024 नि जर'खा बुब्लिआव केप्टेन जित्तु गगै फुटबल टुर्नामेन्टनि थाखाय ट्फीखौ बेखेवनानै होयो। बे टुर्नामेन्टनि मुंखौ आसामनि गलाघाट जिल्लानि दावहारु केप्टेन जित्तु गगैनि मुडव लाखिनाय जादों। जेराव बिथाड 1999 माइथायनि कार्गिलि दावहानि समाव

77 थि इन्टार जनेल आरो 86 थि सिनियर नेसनेल बेडमिन्टन सेम्पियनसिपआ जागायनाय लामायाव



बेंगालुरु, 17 डिसेम्बर: मोनसे नख'रारि बेडमिन्टन सेम्पियनसिप महैरै खुंजानो लानाय 77 थि इन्टार जनेल आरो 86 थि सिनियर नेसनेल बेडमिन्टन सेम्पियनसिपआव लाइमोन गेलेगिरिफोरा गावसोरनि रोंगथिखौ दिन्थिफुंनो खाबु मोनगोन। जेराव बे बादायनायाव लाइमोन गेलेगिरिफोरा गावसोरनि जिउ रहाखौ बेडमिन्टनजों आवगायहोनो खाबु मोनगोन। बे टुर्नामेन्टआ 18-24 डिसेम्बर 2024 नि गेजेराव बेंगालुरुआव थांनय कर्नाटक बेडमिन्टन एस'सिएसन कर्टआव खुंजागोन। जेराव बेयाव ओन्सोलनि लाइमोन गेलेगिरिफोरा गावसोरनि थाखोखौ हारिमायारि थाखोसिम आवगायलांहोनो आगानसे आवगायनो खाबु मोनगोन। बे सेम्पियनसिपआ फेगौ 20 डिसेम्बरनिफ्राय सिंगेल बादायनायजों जागायजेन्नायजों लोगोसे इन्टार जनेल टीम इभेन्टजों सोलिंलागोन। जेराव सोलिफु हौवाफोरनि सेम्पियन सिगण चैन आरो आइजोफोरनि सेम्पियन आन्मल खरबआवो गावसोरनि मुकुटखौ लाखिफिन्नो ओंखारगोन। बिथांमोननि बाहागो जानायाव गोसो गुदुंलाइमोन बेडमिन्टन गेलेगिरिफोरा गावसोरनि रोंगथिखौ साबसिनो होनो नाजागोन।

हादरनि थाखाय गावनि जिउखौ बाउसोमदोंमोन। जेराव बे टुर्नामेन्टखौ ओन्सोलनि लाइमोनफोरनि गेजेराव बादायलायनाय आरो गोसोआव गोहो लाबोनयनि थिरांथाजों डिजाइन खालामनाय जादों। रेड शिल्ड डिभिजननि लाइपुलि ब्रिगेडआव खुंजानाय दिगबैआव गिदिरि बेखेवनाय फोबोंखौ लानाय जायो। मख'नाय जायोदि, बे ब्रिगेडआ मोनसे गोथां जारिमिनजों सोमोन्दो गोनां। जेराव इस्टर्न फ्रन्टआव 1971 माइथायनि अपारेसनआव बे थावनिआवनो दावहारुफोरा जर'खा थिरांथाफोरखौ लादोंमोन। जेराव बेखौ लान्ब नायक एल्बार्ट एक्काखौ मान बाउनाय महैरै बिखौ एल्बार्ट एक्का ब्रिगेड मुडैबो मिथिनाय जायो। जेराव बिथांखौ गंगा सागरनि दावहानि समाव गिनो रोडै साहसनि थाखाय परमबीर चक्रजों मान होनाय जादोंमोन। बे हाबाफारिआव दिगबैनि ओन्सोलारि फरायसालिफोरनि गोसो गुदुं लाइमोन फुटबल गेलेगिरिफोरजों लोगोसे हान्जानि केप्टेन आरो गुबुन गुबुन बाहागो लागिरि क्लाबफोरनि सामलायगिरिफोरा नुजाथिफेयो। सोलिफु बोसोरनि बे टुर्नामेन्टआव गासै आसामनिफ्राय मोन 12 हान्जाफोरा गावसोरनि रोंगथिखौ दिन्थिफुंनो। जेराव बे टुर्नामेन्टनि बादायलायनाया तिनिसुकियानि गोबां थावनिफोराव खुंजुंजागोन। जेराव दुलियाजानआव बे टुर्नामेन्टनि ग्रेन्ड फिनालेआ खुंजुंजागोन।

## भारतनि फास्ट बलार अंकित राजपुतआ आजिरा फोसावबाय

गोदान दिल्ली, 17 डिसेम्बर: भारतनि क्रिकेट हान्जाया सोलिफु समाव असट्रेलियानि हेंथायै खेब 5 टेस्ट मेचनि बर्डर गाभास्कार ट्फी गेलेगासिनो दड। जेराव बे सिरिजनि खेबनै मेचआ जाफुंसरै जालांबाय। बेबादि थासारिआवनो टी-20 लीगआव भारतनि हान्जाजों गेलेग्रा फास्ट बलार अंकित राजपुतआ आजिरा फोसावबाय। 31 बोसोर बासोनि राजपुतआ नख'रारि फोथारव उत्तर प्रदेशनि जानानै रजिन्ट ट्फीआव ओंखारदोंमोन। अंकितआ ससेल मिडिया पस्टनि गेजेरजों गोब्राब थिरांथाजों गावनि आजिरालानायखौ फोरमायो। 2009 निफ्राय 2024 सिमनि गेजेराव क्रिकेटनि फोथारआव गावनि हान्थिनायखौ जर'खा सम फोरमायनानै बे समाव गावखौ खाबु होनायनि थाखाय



भारतीय क्रिकेट बर्ड, उत्तर प्रदेश क्रिकेट एस'सिएसन आरो कानपुर क्रिकेट एस'सिएसननि सबायख'र हरो। अंकितआ मोन 5 आइपिएल हान्जाफोर फारियै चेन्नाइ सुपार किंस, कलकाटा नाइट राइडर्स, पान्जाब किंस, राजस्तान रयेलस आरो लखनौ सुपार जइन्टसनि जानानैबो गलेदोंमोन। आइपिएलनि खेब 29 मेचफोरान बिथाड 24 उडकेट लादों। मख'नाय

जायोदि, बिथांनि सिगां भारतनि बारग' फास्ट बलार सिद्दार्थ कौलआबोलआवो थांनय दानआवसो नख'रारि फोथारनिफ्राय आजिरा फोसावबाय। अंकितआ भारतीय हान्जानि थाखाय खेबसेबो हारिमायारि मेच गेलेगाखैब्लाबो नख'रारि फोथारआव रेकर्डआ अन्सायगिरिफोरखौ सोमोनांहोयो। मानोना बिथाड फास्ट क्लास मेचफोरान 248 उडकेट लानो हादों।



मेचआव मोनबो पइन्ट गैयालासे गाहाइसिनथायव जायगा मोनो। तेलेंगानाआ सोलिफु समाव राजस्तानजों इ गेलेनयनि उनाव 1 पइन्टजों बाथि नम्बरआव जायगा मोनो। तेलेंगानानि सांग्रं आरो रैखाथियारि सेटआपआ सोनाब बंगखौ 39 मिनिटसिम गोजानआव लाखिदोंमोन। जेराव रवि हान्सदाआ बक्सनि सिडाव मोनसे गात्रि क्लिरेन्सनि खाबु लानानै बे आवगायनायखौ

लाखिदों। बेयो सन्तष ट्फी केम्पनआव हान्सदानि 8 थि गल सोनायमोन। नरहरि श्रेष्ठआ हाफ समनि स्ट्रकआव नेटनि गोजीथि हेडरनि गेजेरजों स्करसीटआव गावनि मुंखो थिसन्दों। बिथाड गावनि मोजां स्करि फर्मखौ मेचफोरव लाखिदों। जेराव बे मेचआव बिथाड जोबथा राउन्डनि थामथि आरो 56 थि मिनिटआव सोनाब बंगनि थामथि गलखौ सोनायो।

गुबुन फासै मनिपुरजों जेन्नायनि उनाव साभिसेसआ गोहोम गोनाडै आवगायो। जेराव मेचनि हाफ समसिमआव 2-0 गलआव आवगायदोंमोन। बे समाव हान्जानि लेथलेन कंगसाइआ 11 थि मिनिटआव केप्टेन कि क आव गोजान जान्थायनिफ्राय हे डारनि गेजेरजों गल सोदों।

## नर्वे चेंसआव वर्ल्ड सेम्पियन गुकेशआ कार्लसननि हेंथायै गेलेगोन

गोदान दिल्ली, 17 डिसेम्बर: बयनिखुड लाइमोनसिन वर्ल्ड सेम्पियन जानाय भारतनि गुकेश डम्पाराजुआ फेगौ बोसोराव खुंजानो गोनां नर्वे चेंसआव मुलुगनि नम्बर 1 गेलेगिरि मेगनास कार्लसनजों सेलेन्जआव ओंखारगोन। जेराव बे टुर्नामेन्टआ फेगौ बोसोरनि 26 मेनिफ्राय 6 जुनि गेजेराव खुंजागोन। 18 बोसोरनि गुकेशआ सोलिफु बोसोराव टट स्टील मास्टर्स देरहानयनि अनगायै चेंस अलिम्पियाडआव भारतखौ सनानि मेडेल



देरहाहोदों। बेनि अनगायै बिथाड केन्डिडेटस टुर्नामेन्ट आरो थांनय सप्ताहआव सिंगापुरआव जालांनय वर्ल्ड सेम्पियनसिपनि बिमुंबो देरहादों। जानो गोनां नर्वे सेम्पियनसिपनि सायाव गुकेशआ मुलुगनि गोखों गेलेगिरिफोरनि गेजेराव सासे कार्लसनजों गावनि सेलेन्जआव ओंखारगोनखौ रोखा खालामो। मख'नाय जायोदि, बे टुर्नामेन्टआव थांनय बोसोराव बिथाड थामथि मासिआव थादोंमोन। नाथाय बे खेबआव वर्ल्ड सेम्पियन महैरै बिथाड

कार्लसननि हेंथायै ओंखारगोन। नर्वे चेंस टुर्नामेन्टनि डिरेक्टर जेल मेडलिनआ बे टुर्नामेन्टखौ जर'खा जागोनखौ मिजिथिदों। जेराव बिथाड लाइमोनसिन वर्ल्ड सेम्पियन गुकेशनि हेंथायै नम्बर 1 गेलेगिरि कार्लसननि गेजेराव बादायगोन मेचखौ गोखों सेलेन्जनि जागोन होना फोरमायो। बे टुर्नामेन्टखौ मुलुगनि टप हौवा आरो आइजो गेलेगिरिफोरनि गासै सा 6 गेलेगिरिफोरनि गेजेराव खेबनै राउन्ड रविन फर्मेटआव खुंजुंजाव जागोन।

## मनिकाजों दैदेनजानाय हान्जाया वाल्डनार कापआव सेम्पियन जादों

गोदान दिल्ली, 17 डिसेम्बर: भारतनि मुंदांखा टेबल टेनिस गेलेगिरि मनिका बत्राजों लोगोसे स्टार गेलेगिरिफोरजों बुंफबनाय टीम एसियानि हान्जाया वाल्डनार कापनि गिबि

सिजनआवनो टीम वर्ल्डखौ फेजेन्नायै सेम्पियन जानो हादों। टीम एसियानि हान्जायाव मनिकानि अनगायै टेबल टेनिसनि फोथारआव जाफुंसारनाय चीननि मा लं, अलिम्पिक गल्ड मेडेलिस्ट



चेन में, खोला करियानि चीन युबिन आरो काजाकिस्ताननि किरिल गेरासिम'क'आवो बाहागोआव दडमोन। टीम एसियाआ बिमुंनि हान्थिनायाव बेरेखा हान्जाखौ 14-0 स्करआव फेजेन्दों। जेराव

जेन्नांनय हान्जा टीम वर्ल्डनि फारिआव टुल्स मरेगार्डजों लोगोसे दिमिन्सि अवत्वारभ, ह्युगु काल्डेरान', एड्रियाना दियाज आरो बाना'न्डेड सजक्समोनबादि स्टार गेलेगिरिफोरा दडमोन।